


二七





新安文獻志卷八十八

行實遺逸

故宋逸民草亭先生程公德萃述

程潛夫

乙集

自古介行之士或遭世變或不合於時必晦迹山林隱於巖穴富貴不以動其心寧沒齒而不怨嗚呼世降罕聞其人若吾草亭先生其庶幾乎先生生宋之季居楚郢之墟再世雄於貲家蓄巨艘往來貿遷歲靡虛曠產業綿亘儲積盈溢先生視之泊如一不介意惟悼世澤之微折節為學從師取友不遠千里與宗人徽菴先生若庸同游雙峯饒先生之門經史百氏洞徹微奧識趣超邁師友稱焉獨於科舉之學未嘗經於心口曰是義與利之辨爾間侍父避兵泛舟漢陽父沒逆旅喪葬盡禮從兄來居洪徽菴適長臨汝書院先生負笈往訪之益相磋切慨然以斯道自任期於力行以造乎極未幾炎祚告終兄子擁旌旄盱上先生乃挾仲子退居臨川長安鄉之池頭距城不百里樂其山水明秀峯



岫環翠構數椽以居父子日率僮奴耕鑿灌漑獲採以自給暇則幅巾杖履與田夫野叟雜坐龍畝互相問答登臨翺翺觴詠自適或談時事笑而不應士子來學謝以無聞諸侯交辟辭病不起剪茅作亭于室之右偃息佔畢遠近式其儀範咸稱草亭先生自號宋室逸民為詩文多不留臺道遙林下壽七十餘以終嗚呼若先生者其古人之徒歟豈沒世而名不稱者邪先生之長子來承大宗世稱雪樓先生者也寵命雖不加於先生而先生隱德益光大矣爵祿云乎哉先生諱德萃系出新安忠壯公之裔前代迭有顯人祖宥興自新安休寧遷于郢之京山父子明卒于沔葬于鄂配嚴氏有賢行克相先生終著令名次于文渙讀書博聞行敦古誼自號愚莊至元大德中再仕而歸不俯仰於時雪樓嘗曰吾弟愚莊真愚也年七十五卒孫男六人曾孫若干人悉書于譜先生既卒子孫奉柩返葬吳城後遷池頭所居之後士友表曰雪樓生父之墓云從孫承務即衡州路衡陽縣尹兼勸農事文淵拜述之繼自

宣慰飛卿當宋季以城付元由是父子兄弟悉擁節旄至雪樓文憲公復大振之遂赫然為一時之望先生獨當其時退居池頭自號宋室逸民視富貴若將浼焉高風峻節邈不可及而傳宋史者乃不列之篤行隱逸中使與兩龔淵明為知非大闕與考先生實與微菴同事雙峯衛考亭之學而益修明之其所立卓然如此故表而出之以誌觀者

知縣權州宣叅軍公 祈鳳墓誌銘

方虛谷

梧山先生畢公諱祈鳳字景韶以大德四年庚子十一月十五日卒以宋嘉定十七年甲申閏八月五日生享年七十有七宋孝廟重武舉上三人及前名率數年可得邊郡公入武學閱禮齋即升內舍咸淳元年乙丑省試第五人廷試亦第五賜紫袍金帶象笏進士及第授承節郎建康府駐劄御前諸軍都統司幹辦公事循修武郎公精通經學年十七亞鄉薦偶用七書游右岸寶祐五年丙辰也公之先唐末自末州徙歙州歙縣再徙休寧千秋鄉碧溪族益大以姓名村二遷藤溪曾祖德妣巴氏祖璘迪功郎妣楊氏父夢和學者稱晉齋先生舊臨安府學免解進士妣徐氏封孺人晉齋經賦無通尤精春秋左氏當權高第不幸



卒年四十六在公入學十年前而迪功壽八十五見公得雋橋門迪功  
知名當世郡太守縣令下車必字而問畢良之士大夫鄉父老兒童走  
卒無不知有畢良之陰行善事勇為義舉掩疵揚美曲成後進平兩造  
兩劑之競代東矢鉤金至粥田弗吝用是鐘秀於公公初筮見知沿江  
制置使馬公光祖入其幕兼建康府學訓導欲厚其祿俾攝令溧陽固  
辭兩任六考制置使吳公革亦見知外射知澧州石門縣實榮登之八  
稔京湖四川宣撫大使朱公禔孫熟公才名屬幕客章公應子招公無  
宣叅權辰州俟至聞奏為真公以親老一再辭亥子之間李銓戍吾州  
虎哮狼噬公潛調柔銷其暴民艱食賴公無饑李銓納土北覲未還其  
部曲李世達挾其子為變潰入閩草竊乘間屠燬歛世宦高貲禍慘  
甚公鎮以靜獨休寧無患婺源汪公元龍起知州事借總管趙公謙挽  
公一出至欲携具叩門公皆謝之慈闈早寡多病公夜必燃香告天願  
減筭壽毋侍藥次欲酒鑿難之公恍惚若見神人誦詩有可惜一杯之

旬進酒病立愈壽至九十有二而公年近從心如衰幾毀刻像事之  
每祭必慟公早師兩科杜公禾嘗肄業顏山佛廬嗜書如飴晚喜陶淵  
明詩教子及孫惟責之讀書而不責之仕諸公貴人屢請不許子元老  
與回羣親交諸孫能詩時與回書論詩法取友待士良謹孰客陳君櫟  
十年不易一日出集英殿命服周視之尋衣一新道服呼諸孫夾侍出  
揖客而入若訣別者明日相怯寒食少減夜半耳時語諸孫曰吾去矣  
恬然而逝子一人即元老在杭聞訃歸定舟隻回寄詩哭公謂與回同  
生丁亥乃進士官年今讀前進士鄭達曹公逵所為行狀乃知公長回  
三歲元老已得曹公狀似不必回費為誌銘然不覺固却公夫人汪氏  
長公三年今八十一賢淑康健女一人嫁許仕郎平江長洲縣主簿  
汪次孫孫男五人昭祖弘祖正祖從祖壽祖曾祖文二人將以今大德  
五年四月四日癸酉遵治命葬于其里續葬之墓誌曰  
相種特種世常有聞不如書種源源高門家世學詩禮與墳集英曰



科佐彼虎賁作縣守郡視如浮雲飾表於家子五... 能文何必萬金以肥後昆

孫上舍元京傳

宋禮侍

孫上舍高字元京楚山人貌極奇速尚書以爲人太學宋亡歸隱海  
寧山中自號良山示不復仕杜門賦詠遠近以奇其沒世無涯之  
悲時婺源有制幹許月卿先生者亦宋進士宋亡歸隱其家以  
居月卿婿江凱及婺源人汪炎相皆絕意當世俱從高遊其詩悲壯  
烈讀者可知其爲人方回得高詩嘆自持此以見宋文公可無愧矣高  
弟巖字次阜亦以詩名

滕星崖傳

汪路教

滕星崖名堦字仲寒質貌清古性度高遠不事產業財有... 窮困爲文不蹈襲古人自成一家草書有晉人風度常命兄子舜夫求  
文丞相遺墨舜夫得所書過金陵釋詩以歸堦日懸於堂焚香拜泣又

過西湖拜岳將軍墓賦詩以伸其鬱有相對含悲石翁仲老衰無淚落  
秋風之句其忠義蓋天性也黃文憲公潛誌李君與廉云聞滕先生堦  
會朱陸之學而得其同與廉率朋徒往就講學其見重如此及卒王茂  
伯爲文祭之畧云才高明而不自有氣剛大而不自屈片言隻字散在  
斯世殆家藏而人誦之在先生則土苴耳

學賓菊存鄭公天麟墓誌銘

陳弗齋

公諱天麟字德甫自號菊存志隱也昔周宣王母弟友封于鄭子孫氏  
以國至漢高密有鄭公鄉通德門史冊尚之據吾郡英濟王傳王少育  
舅鄭家則歛有鄭自隋唐始而長齡有鄭自友山始公會大父拱辰曰  
此兒與吾同命之曰同公頽然魁碩事親以孝聞平居履正葆醇恂恂  
然里閭有寬厚長者風不特同友山翁而已凡揆藻含章皆自洽博貫  
穿百氏出人曰比同鄭廣文也凡剖疑論事所諏定如契龜好客過門  
翔棲浹日無倦容人曰此同鄭當時也凡勸隄防精禱祀序長幼有儀



賑貧乏有廩人曰此同鄭次公也歲乙亥人誅兵戎農釋耒耜民色若  
菜公匍匐救助遐邇畢粟以故人無搖心德之者萬喙郡侯寺丞王公  
積翁以其事聞累授職本路鈐階至武節謝曰吾安用此會本道提刑  
察使竹庵奧屯先生希魯初行部泮勉多士於耆俊尤重予時分教鄉  
校亟奉命禮公作賓公曰乃吾志矣益屏繁務擘名勝義方之外與騷  
人課以詩有小藁曰梅竹拾遺方將繼處士於松庭尋子真於谷口俄  
嬰寒疾以果熟辭木自遣儵然而逝時年六十有七公以下丑十二月  
四日生以癸未四月二十七日沒以己丑正月五日卜窆蓋歛縣中鵠  
鄉醴泉里穎源也公娶汪氏男孟孫世儒藉益大其家聲嘗踵書學預  
一選充永盈庫官娶汪氏女三人次男可孫娶鮑氏三男岳出繼孫男  
二人弘紹暨孫女五人其孤以其先人之善予也願銘焉予思芹泮舊  
遊嘆菊存一生劬學而奮藝場屋僅三亞鄉書器其才而不柄於用其  
所安者天也銘曰

醴泉之里澤泓淳兮同穎之源實躬芬兮巖突峻夷龍連蜷兮松蒼菊  
晚竟迟迟兮是惟德甫之宅孔成孔安裕來昆兮

鮑魯齋雲龍傳

洪杏庭

鮑雲龍字景翔歙縣人幼嗜書至忘寢食義有未解即家塞窓戶靜坐  
默思比長博通經史易學尤精毋病革夜半陟西山層巒焚香祝天願  
以身代毋病尋愈從師閔俊甫試郡庠踰年積分格當陞職雲龍乞以  
讓其師郡博士嘉之遂同陞焉鄉試中亞選借同里鄭芭待試國庠將  
入棘闈鄭疾卒雲龍不就試償護芭喪以歸聞者義之次舉乃領鄉  
薦已酉省試不利因絕意科場居鄉教授生徒潛心理學有天原發微  
若干卷行世又有大月令筮草研幾未傳方虛谷天原發微序江存  
隱君子魯齋鮑公精於易學無書不觀妙年冠計借選年七十長回  
一歲與同里鄭芭待試國庠將入棘闈鄭疾卒雲龍不就試償護芭喪以歸聞者義之次舉乃領鄉  
家交友相得資之著書其書曰天原發微五卷二十五篇天果有原乎  
而後有道原本也宜當曰道者天之原而天之形象氣數萬物道之未  
也器也公之書首太極陰陽未生先有此道故孔子曰太極陰陽既生



道在陰陽既有天地道在天地既有萬物道在萬物故朱子曰一物各  
具一太極次二曰動靜次三曰靜動人皆知對待流行之動靜而不知  
天與聖人主靜實為動之君動靜自元起靜動自貞起故也後二篇明  
造化之鬼神非老釋之鬼神述造化之變化及學問之變化皆有功斯  
道性聖先賢前作後述搜玄微真參以已見天原之微備矣是書也往  
復難問將十年故齋梓其書行世回宿諾魯齋以序文序文成以今年  
十一月十七日南至而魯齋前十日以疾不起家僅有一孫鳴呼痛  
哉牖下尚有一卷未刻敬齋為竟其事回聞之輒增書魯齋生謝本未  
併就書敬齋樂善尚義之美能盡師友之義而回所書亦庶乎不負兄  
弟之義云魯齋名雲龍字景翔敬齋名昭祖字孔明與回皆古歙州歙  
縣人元貞二年丙申十二月十五日巳酉里支弟方回萬里序

肯堂程公心宇墓誌銘

曹弘齋

論文于科舉之時匪野則腐論人于世變之後匪庸則猾其以清文得  
雋以吉人擅譽茲非所謂深林之蘭而歲寒之松柏矣乎予於肯堂程  
公有感矣公天孕不凡落筆成文自然清雅歲乙卯戊午伯叔父連貢  
公與學聖公同生已亥者也有遺賢之歎謾曰翰君一籌遂踵得之亦  
復奚憾遲之遲僅一入亞選又以陟岷之戚不成試太學命之不猶如  
此自是應舉之冗折而從俗經會之世惟柔惟順副以儉勤公慕承之

滋弘益謹丙子之夏寇稔于鄉構室再無慰焉戊寅而後科差特  
費百出無斬焉採金之初自歛入昇踰七百里力疾而往竣事乃回報  
辛何可殫述則亦怡然順之迨甲申始有幹蠱之子入癸巳始畀尚平  
之債奄至甲辰益添園子無生之感稍以吟篇遣懷舊與親知往來賡  
倡至是成帙每曰世味熟矣吟自在詩以是學堯夫可也庚戌春晚始  
患痢入夏浸劇延醫禱神邈不見效猶欣然奮筆為諸孫治姻書甚謹  
至六月二十九日晨起呼子孫來前曰吾今日脉絕矣申初據床東向  
而坐頌史而化公於死生際了達如此得年七十有二生之年已亥八  
月十六日也公襟懷粹夷與物無競於仲氏定宇及于篤至其生也弗  
諉以事極拊存之其歿也携扶誨道其子孫至于存立無幾微德色也  
平生喜談地理宅後蹊園毋夫人之葬既請僉論於經會公卜兆凡三  
不惜重費卒用閔口築屋買田以具祠事瞻守人既備也又勇捐龍宮  
已地以遷大父母塘坑之葬崇孝急義族黨譽之辛丑歲得地穎源隸



歙縣二十九都於至大已酉十二月庚申以潘夫人竝遂合兆庚戌十一月十一日也築屋買田亦如閔口其地又巧與五世祖三三府君墓為一山之隔樂哉斯丘祖考其安之矣謹按率溪之族派自黃墩遷自冶山念二府君始遷者也三世為四郡馬諱詢四世為公之祖諱勵勵生經畚公諱一麟公父也母夫人柯氏公諱心字字夫懷自號肯堂娶潘氏生以甲寅五月二十四日歿以甲辰八月二十二日男三人渴忠相孫男十人眉壽椿壽榆壽山壽箕壽趙壽延壽仁壽嵩壽相壽銘曰不偶于時公也有文不悖于時公亦有聞展也此墳其蟄璵璠是有餘芬有子有孫按心字五世祖敦臨在宋以殷碩行實重其鄉而族始盛管伊訓先立宗會弘肅序之而又銘心字之墓蓋昔程世成弘齋鍾儒薛下程氏最久也國朝正統中敦臨九世孫玩道和等倡文忠壯行祠以展宗會之禮弘治初十世孫勳之合族人修復栢山故祠以重始遷之祠祠祭規悉用家禮參以時制而勳之子曾編訂刻梓以傳蓋敬宗睦族之舉在諸程中多稱率口而具講授淵源亦有自云弘治壬子仲秋一日晚起因閱率溪程氏世澤編題心字誌後如

李隱君森墓誌銘

揭文安公

新安李宗英以元統元年十月之望合葬其考妣于婺源之北泰紫橋之東至元二年宗英至京師以書謁予銘其墓辭甚高而意甚悲也屬予未暇明年春乃按其鄉先生胡公炳文所為狀序而銘之君初諱辰祖後易名森字森高其先世有諱德鸞者始遷婺源之嚴田里是為唐德宗七世孫曾大父諱玘宋紹定間嘗貢于鄉大父諱洪父諱霆發世以明經聞君事親孝事長弟喪祭賓客必盡禮遇下有常喜怒不妄施同居七百指無違言與族子弟言必及其祖父艱難之狀而申以讀書為善之勸有善稱之有過訓之有慶弔必先焉國家治田賦濫或勸分之他戶寧受之不忍為火起其隣惟號泣求保先祠環祠皆火而祠獨不及乃徙居市市人夜風暑于門喧雜朝笑見君皆肅然起意不便之又徙故宅之西近其母之墓居之蓋厚德君子也以延祐五年十有二月十九日年四十一卒配俞氏諱辛字柔新其在室有巨室求婚輒不



樂年三十四始歸李氏慈儉貞懿不尚珠玉華采服勤敬養謹身節用  
化行一家宗族稱其孝姊姪服其訓滅獲懷其惠夫婦相敬如賓其父  
母家在城北朝夕望禱祈二親之壽及居其喪哀毀如在室夫子既歿  
反築故宅以居教二子宗奕宗慶皆爲士故於俞氏爲孝女於李氏爲  
賢婦天曆二年秋九月九日以疾卒年五十九時宗奕試藝錢唐還及  
門而母方屬纊竟不得一語而訣此宗奕終天之痛無涯之悲也胡先  
生曰易家人之彖稱嚴君象稱交相愛李君夫婦有焉天以李君得修  
齊之道俞氏有內助之美宜能交相愛也李君早歿俞氏能教其二子  
以世其家非嚴而能之乎可謂知言矣銘曰  
有唐諸孫有燁其文宅朱子之鄉爲盛族德門夫義婦順貽乎後昆百  
世其敦

處士鮑公椿行狀

鄭以孝

公諱椿字壽夫歙之永豐鄉人也曾祖諱禮童祖諱子儀世以貴雄不

樂仕迨宋末朝廷括富家以充軍實家減於初父諱璨從學魯齋鮑先  
生見義勇爲年十八九時聞宋靖康主和事心不平之恒以胡忠簡張  
忠獻爲山斗宋鼎既移自放于山水間絕口不談世務郡中名士若許  
山屋汪古逸滕星厓江雪砭里人鄭貞白吳古梅咸推爲後進第一人  
邑宰鄭君安累薦之誓不仕元母亦出雙橋鄭氏公生九年而母亡鞠  
于祖母潘三年而潘亡繼母向杲吳氏也居七年而父疾作公奉湯藥  
日夕不離側及卒葬祭一遵禮度事繼母惟恐或缺母慈子孝人不知  
爲前子後母也居家勤儉而厚於賓客自奉粗糲樂施貧先業恐弗克  
荷負宗族恐不克敦睦終身忍讓有犯不較娶寒山方氏有兩子曰怡  
曰遠師未娶而亡妻亦繼卒五年三喪不堪其憂而公益力于善不輟  
有女不輕許配聞雙橋鄭勝德賢贅於家公安其養嘗泣語之曰吾祖  
兄弟十五房子宏景定中任無爲軍教授子發子寵再世而絕子文子  
大子壽子震子衡子龍子麟子麒一世而絕惟吾祖子儀伯祖子肅兩



房爾今吾兩子又亡何天禍吾族之慘邪子肅傳五世有孫十四人矣  
非擇賢而繼其何以振吾先業遂以絃姪之次子鎮傑為姪之次子朋  
笈姪之次子神保鼎繼怡後由是三孫日侍公側樂甚不數年而旱荒  
繼作紅巾倡亂祖孫避兵瀕死者十七八年

國朝龍興天下一而公七十矣步歸田園倡興水利告戒宗族守法奉  
公故村落之中無一人身犯徒配號為良民公之力也先是公卜地于  
平園山葬妻方氏虛擲于左洪武十年戊午七月十三日無疾而卒去  
所生大德丁酉十月廿九日春秋八十擇以明年其月某日畢其葬事  
勝德與鎮傑踵門請予狀其行予其婿之族子雖不及拜公而聞其德  
善熟矣敢用據述如右以為求銘之張本云洪武十年歲在戊午十二  
月朔里人鄭忠狀鮑氏祖元珍成娶鮑氏自遷沙溪始祖球三世祖闢  
不墜先君令君與君玉鮑先生尤善國初先君尹欽薦君玉為教諭予  
從魯齋鮑先生遊君玉與其弟已先在門下予以欽薦君玉為教諭予  
補子為叔一無所挾一日先師語君玉兄弟曰故老相傳鮑氏世世  
于豐山同出郡西門奈何先師語君玉兄弟曰故老相傳鮑氏世世

訪由叔牙為齊桓公相功成九合業著一匡食邑於鮑世為齊大夫鮑  
率德定齊靈公而用其足鮑牧見逐於悼公子孫散居於齊齊即古青  
州永嘉遷江南再遷于新安郡之西門隋廢郡為州治于黟縣遷于郡  
西十五里湖大業中始以十五里牌為墓即今墓前墓再遷今居以姓  
名地曰鮑屯蓋屯即聚也村亦聚也加邑為鄉如云鮑村也其祖自安  
國始以下二十餘世墳墓生卒悉為條註本圖之下用心密矣而或無  
所考據者寧缺之慎矣哉譜成請予序之予家十一世生卒葬娶尚或  
有缺况倍世者乎嘗見郡中大家程必祖忠壯汪必祖越國方必祖盤  
胡吳必祖少微疑其太泛今直序鮑屯一枚疑其太拘因質於先師曰  
與其泛也寧拘鳥呼拘豈中道哉顧人力量如友一鄉一國天下之善  
士為親親弗能及五服泛何益於事哉詳而味之即盈科後進拘豈徒  
拘哉於是述以師之意以為序夫又何辭延祐五年丙辰長至日里人  
鄭千  
慶序

南山處士戴君杞墓誌銘

貢文靖公

士之卓然有志於成立者多出於憂患之餘有以見理之故其所行遂  
足以稱世苟能是豈待爵祿之貴然後以為榮哉君諱杞子字南山姓  
戴氏其世有可攷者始居毫之譙國後徙表之宜春至南唐保大間銀  
青光祿大夫檢校國子祭酒監察御史上柱國諱安遷徽之休寧邑由  
山鄉遂為休寧人於君為十四世祖曾祖諱一得建康府錄事參軍祖



諱杼江東提舉司幹官考諱登庸妣吳氏君年二十而卒生以至元甲申卒以大德癸卯葬于鄉之遐富源娶金氏卒之後三十有五日生子曰蘭金氏邑士桐岡公諱鳳之女為徽世家歸戴氏二年而寡年二十有一抱其孤越三年舅姑相繼卒一室孀然桐岡公挈其母子以來保抱鞠育稍長延名師教之經紀其家政無不至十二年而公卒諸舅氏撫愛猶已子金氏茹苦自厲盡出奩具買田於戴氏非旦夕謀蘭年十八歸故居克自樹立事叔父盡敬一日舅氏手君詩一編示之蘭得詩泣拜起哽咽不能讀泣不已請其師陳君櫟曰先人葬久未得銘先生狀其事乞銘當世以託榮焉孤也忍言之其可哀也夫君生而穎悟年十二能詩文事父母以孝極力奉甘旨父晚歲多疾君嘗藥於內幹蠱於外曲順其意嘗言二親未六十其方幾冠或者返哺之日尚長也其言豈謂止此乎孫男二人虎兒武康縣主簿程頴學君之鄉人也以泰定丙寅春受其孤狀請銘於予予交金氏昆季陳君又予所取鄉進士

義不得辭予聞杜和公生於父卒之後朱文公學資外家其所成皆若是蘭能知所本以思榮其親庶幾有志者歟若夫爵祿之貴其來未量乃為之銘銘曰

碩果之義其中則全求本而木探源而泉吁嗟戴君綴祀復延後有昌者蓋放其先我銘諸幽以侑表阡

青可墓表

陳定宇

葬書非惟無益於人乃深貽禍於人葬書非惟不靈於人亦未嘗靈於已郭景純以後之人迷於其說何其重不辜也景純忠於晉朝為王敦所殺然初焉曷不逆善其祖父之葬地而庶子孫免斫頭之禍乎自卜葬地後竟淪歿於大江心自謀如此何靈於人使葬書果可信也葬師紛紛會無與其家者不過柄柄人門以禍福林人誘人肆為欺誑而已葬也者歲也欲人之不得見也昔之賢者謂死不害於人擇不食之地而葬焉蓋欲擇無用不毛之地以不妨人之耕植未始欲擇吉地為後



人富貴利達計也愚人惑於葬師見某家富貴其家宦達必推其究其地出之此地遂有名於時名之以其美形盛之久必衰其衰也子孫挾此地以售於人貪者捐重資圖之圖之未得訟而廢者何限幸而得之奉以葬焉此有名之地遂如傳舍更代寄宿不保其家之久而不衰也衰則子孫又以售於人而後之寄宿者又來居於斯矣然後知不食之地果爲朽骨之末宅而有名之地不保其不爲貴勢所奪也葬有中道如楊王孫之裸葬固非矣過之者埋金自徇標所有以示盜或記之藉以示子孫又過爲計以防之子孫貧而自發者不少爲盜所發者尤多發之必鬻之未有不敗者敗者賣者必受禍夫始買者亦或遭誣厚葬之不特爲身禍其貽禍於人若此反不如裸葬之不及者爲無禍也昔之帝王厚葬莫如秦皇過於牢固極矣始不免項籍之發末不免赤羊之煙薄葬莫如五季周太祖懲唐十八陵之無不發掘也遂紙衣瓦器以葬孰爲自全乎泥葬書以求福而不觀子孫之衰微而賣之以取禍

與厚葬以自取發掘之禍者其爲愚蔽一也蘇文忠公詩有曰是處青山可埋骨達哉言乎吾女兄適古墩吳氏其舅執敬公慕義好古君子也姊婿諱惟深字子靜與先姊同生於淳祐己酉三子長曰昌先卒次乳名冕定名彬不惟無力可圖風水亦雅不信風水葬其父母兄于所居之後山旣板當世先生君子各爲誌銘復諉舅表其墓其家世之詳履行之懿誌銘具矣今惟紀生歿葬之歲月昌生於咸淳壬申歿於至大辛亥享年四十歲子靜沒於延祐甲寅享年六十有六歲泰定乙丑六月葬父子同穴先姊沒於泰定丙寅享年七十有八歲昌以是年八月謝世墓塚相去一二尺許皆坐申向寅將取坡詩青可二字扁小亭於旁先取溪濱白石砌其塚擇石之稍大而勻者成青可二字於其上焉若稽古先賢之不信風水者夥矣章章者前有司馬文正公次有澹庵胡公繼有誠齋楊公胡楊二公之言比之司馬公尤爲深切著明楊公之說見於荅朱侍講書荅羅必先省幹書與春雨亭記閱其文集



可知不假詳述愚尤於胡公之言有感焉胡公乞斬老櫓遠貶海外其配沒於家公書祝羅甥尚志令與子詠同擇葬地只於水北一帶家山取其土厚水深足矣世人未有不死死未有不葬何患無地九經十七史老舅皆涉獵並不說富貴由葬地俗儒不讀書不見古人議論溺於陰陽家說背孔孟之學戒之慎之若不從吾言勿踐吾門勿受吾教澹庵之於羅甥戒其泥風水尚恐其信風水不免危言痛鍼砭之豈如予之吳甥能自不信風水與予之定見脗合無間不待戒諭之費辭豈不加於澹庵之羅甥一等乎遂喜而為之書第前之云云高見遠識者寧幾人見而怒之者必多矣其慎無泛出之也哉

秋江黃君一清墓誌銘

黃文獻公

君姓黃氏諱一清字清夫徽之休寧人初李韓公以中書平章政事知貢舉濟用門生禮拜公里第君在焉別去二十有五年而君之子晉踵門泣且言君已沒持黃竹巡檢程君之狀以銘為請按狀君曾大父拱

大父振遠竝能施惠其里中見謂長者父元珪蚤卒母吳氏守節自誓內事舅姑外資諸子使為學君亦痛自飭勵期無愧於古人年逾四十始游京師久之無所知名泊李公以舊學相仁宗賢才彙進而君以母老不忍去毋告之曰汝父夙有志四方而今已矣汝其忘之乎君乃幡然復入京師謁李公君古貌長身鬚髯如戟寬衣高冠容止簡率又作吳語左右多目笑之公望見大驚異即下執其手延之上座時公門下皆名人顯士而君以布衣居其間恒與公兀禮坐客莫出其右隱然名動京師君以秋江自號而李公自號秋谷遺君詩有君釣秋江月我耕秋谷雲逃名君笑我伴食我慚君之句朝野傳誦滿口內翰趙文敏公既寫以為圖且謂不宜使清時有遺才力薦之當路諸公以君深於易通陰陽家言欲用為杭州教授君笑曰吾以布衣締交相國榮孰大焉持此足以復吾親矣竟辭歸築山房摘李公詩語為扁名以見志公欣然遣以錢助之宣徽王公奉使江東過君山房因圖其隱居十景以去



其爲當世所重如此君嘗以母病籲天願減已年益母壽夜夢人語之曰有老嫗來當得藥明日果有老嫗來授以嚼蜜法而無從得蜜君往乞諸旁近村民家還遇虎君駭曰我死不足惜如母何虎熟視遂巡而去集賢大學士陳公言是家母爲節婦子爲孝子宜旌表以風四方事下有司署其家及里門皆曰節孝國朝徽人得旌表者自君母子始其後君有母之喪走京師乞銘於閣學虞公以葬張蔡公時當國問士於韓公式以君對且要與俱詣公恨相見之晚即欲擢實館閣君以葬母辭公知不可奪則爲詩以送之終喪復至京師通謝前爲銘及哀挽者趙魯公在中書素善君卒欲用之集賢亦舉君爲儒學提舉君嘆曰吾親在且不仕今尚須祿仕邪遂去入玉蓮山中構精舍將老焉故人完顏君守贛奉幣馬迎致郡齋居歲餘俄思歸艤舟未發適值始生之日飲而歡抵暮疾作旦起奄然而逝至元三年八月九日也享年七十有五贛守爲具衾衾賈棺以斂而二子從行者奉柩以還下其年某月某

日葬蓋田山之原事張氏前十三年卒于粵五人曰俊淮安屯田副提舉亦已卒曰曾有家學今爲徽州教授曰紹爲仲氏一鶚後曰勝曰芳女二人長適行金玉總管府知事汪洪次適俞榮孫男五人女三人君性疎曠好客不厭處鄉鄰有恩不喜言人短而常推禍福成敗之幾開人爲善其在京師所主皆朝廷重臣每有所諮訪未嘗出一語人所薦士亦不以爲已德累朝元老臺閣名公至於卑官下僚新進之士無不與之交其死也無不悲之潛竊觀昔人去就之際出者或未能無累於物處者或專務使影響昧昧不聞於人此二者皆過也若夫進不徇人退不絕物如君者善辭矣而潛安足以知之姑據狀所述爲之銘以紓其嗣人之哀思云爾銘曰  
士之懷才難得者時逢時之來惠莫已知亦既有時又有知己胡有不爲而止於此處非吾介出非吾通自信不疑卒踏殿中發揚在上其藏在下銘以昭之用慰來者



張隱君墓誌銘

揭文安公

東南渡時有婺源張珏先生天下之孝友人也嘗有鄰人無故醉罵于門其異母弟怒逐去之是夕隣人死明日有司捕弟急毋號泣不食曰必殺吾子張珏先生慮母之傷也以身代弟就逮韓斬王聞之辟幕府而去其籍後人名其所居曰昭義坊朱文公所稱四君子之一也其後百數十年有隱君子焉名桂字南榮自昭義徙居東溪之濱好讀書鼓琴善生產作業數應進士舉不中曰進士猶博爾博之勝負何足少多遂棄不為事重親以孝聞尤善事繼母如事其母涿郡盧肇按察江東南康無公楠參以江浙皆折節下之每欲論薦以母老辭行省辟杭校官亦不赴唯日與賓客坐蘭坡之上援琴而歌音冷冷裴徊於蒼松翠竹之間倚墻而聽者不知有人世也遇梨棗橘柚之屬熟則就樹取以饗賓客或笑而自取雖多曾無吝情有軍帥者嘗欲一見君使數至君不往已而往見之及門帥方瘡作聞君至急延入臥室語良久為忘其

瘡明日瘡復作延入曰願一聞蓬萊妙音君為一鼓作飛僊環珮之音再鼓為秋風亭皋之曲帥醒然作而謝曰吾病去矣自是瘡不復作大德十一年正月朔夢行曠野中見一道士危坐石上意必異人也前揖而問曰吾壽幾何道士曰汝壽七十逆數一十一覺而曰後六年吾其死乎蓋是歲君年六十一皇慶二年十月君果卒某年月日葬于舟陽鄉深坑之原其外弟王儀邑之賢士也數欲狀君行弗忍也既狀而死儀之友王壘致君之子之意求予銘乃次序其事而為之銘銘曰惟南榮氏士之球琳曾大父默大父繼散父曰應發世表儒林配江子壽德盛家肥程梧汪璉二女攸歸子復有子伯曰文在武仲季斌三鳳噉噉亦有朱淇寔為孫婿琴在人亡寧不與喟伯牙絕絃傷無鍾期伯牙死矣期在何為右揭文安公為此銘時文適自單懷入京在坐公問成至正壬午之春三月也後十有五年文奉詔來江南會先生之孫無存者矣猶幸安公但據狀而作而歌之作則在至治壬戌之歲吳蓋未



生也吳才行俱美能世其家至  
正己亥春三月日同邑程文識

蔣市監宗元傳

程駁南

蔣宗元字善卿徽歙縣人唐歙州通判莘之裔也父世選蚤卒事母至  
孝魁梧木強有志氣從兄熹甫入京師懋遷為業時年尚少心計頗敏  
能辨物精粗相時利便賤入貴輒出中機會往往大獲雖老於市者莫  
能與之校然執義慷慨好施予貧負逋者不深責市人非理相干小者  
讓大者抗正色直言無所回互而中心慷慨忠厚不訐人之短不報人  
之怨與諸昆弟族人同財無纖毫私以是益見信重諸公貴人多折節  
與交若前戶部尚書廉公亮今尚書丁敬可故河南叅政焦孝先淮南  
叅政趙伯器今司農少卿賈得新刑部劉仲素諸有名士皆其知己也  
兄熹甫從子淮卿已得官去諸公引宗元使仕不可會京師歲大侵宗  
元發粟以賑餓者朝廷嘉之強甲之官宗元曰吾厭世人皆欲做好官  
不守廉節即官我願得一下職眾所不欲者以自試乃授羊市監宗元

欣然就職群少年賈胡宿蠹以宗元南人卑之蠶午為姦利宗元縛其  
渠請戶部戶部直宗元械渠徇諸市杖而遣之令宗元曰凡若是者其  
執以來郡少年大駭歛迹不敢窺於市潛伺宗元所為皆公無私相告  
曰是監不可犯也竟三年無陸梁者代滿之日市民商旅以頂戴斗焚  
香而拜于門者相屬父老歎曰自有市監未嘗見也遷泰州務使以隱  
疾不赴至正中家居京師日與故人長者相過從彈碁飲酒為驩無復  
仕進之意矣又築立本堂于江南故居黃山之下將以歸老焉翰林侍  
講學士揭文安公為文以記之朝之士大夫播之詠歌四方傳誦宗元  
次於諸族人親戚為長顧左右皆其從子孫行受約束嚴憚莫敢自縱  
治貨殖率以宗元為師歲時燕集宗元必至坐上坐長幼更起奉觴跪  
拜為壽盡歡極醉乃罷然以疾故閉門臥不多出子一人初蔣氏大族  
多富家宗元獨孤貧小屋數間茅茨母子幾無以為生夜鄰舍火宗元  
度不能自救挾鄰舍牖出其二女子火大熾房屋皆焚燬四圍竹木盡



焦而宗元之居獨無害若有鬼神遮護然鄉人驚異以爲宗元事母孝故得天之佑後必昌達果如其言

程生曰善卿在諸蔣中最後出而卒居其上觀其所成立天性孝義豈繇學力哉不卑小官以能自見一時名卿大夫士亦自以爲不可及世言東南地勢絕高俯視杭宣池饒諸郡有崇山深泉峭清多奇士秦漢間數稱列仙梁程忠壯唐汪越公皆死爲神至今血食宋朱氏道學冒天下國朝汪良臣號鉄面御史布衣鄭玉隱師山今天子備玄纁遣使聘之下此者磊落不可勝數豈非風氣所都邪

許處士許墓誌銘

揭文安公

至順元年予以奎章閣授經郎與修皇朝經世大典新安程文實爲史屬嘗言所親許氏有賢子出後於汪汪氏育之有恩教之有道許氏子亦事之有禮父慈子孝一不知父汪子許也及汪氏父母死汪氏之族立其同姓子爲後許氏子曰立同姓禮也吾其歸奉許祠乎乃歸許汪

氏寸田尺宅無所幸遂以字取汪之右許之左合而名之曰許而字元思旣奉許祠又別祠汪氏父母以報之德且以許出睢陽太守遠復建睢陽祠歲立春率五世以下子孫敬祭以始遷之祖配仍割田以奉祀事予與歐陽少監玄陳助教旅皆爲文以述其事後十年予以集賢直學士家居程君以黃竹巡檢秩滿馳數百里會予里中問許元思何如則程君之行政以爲許請銘故相對於邑乃發書讀之許新安婺源人也故盛德之後宋紹興時其高祖琳嘗活饑民萬餘衆朝廷旌之曰長者長者生贈朝奉郎大寧與魏文靖公爲友朝奉生日卿月卿皆擢進士第月卿初授濠州司戶掾呂文煥幕以剛直許呂呂欲殺之不得而殺其僕遂不復仕晚乃起爲江西運幹以文章氣節聞天下有百官箴行世日卿揚州六合尉六合生允芳娶程氏皆以德行儀於鄉是生元思元思之學宗伯祖而敦重守法度元思之行本長者而力所及無不爲延祐賓興賢能乃大治毛鄭及朱子之說以繼先業有司舉進士試



則以經未明行未修謝不敢欺七年而仁宗崩遂輟其學蓋傷之也既  
不取進士乃大築室長者故基中爲晉德堂以繩祖武左爲琴棊軒以  
復五世祖之舊蓋朱文公內弟程允夫所爲作記者右爲靜學齋以諸  
葛武侯自厲日危坐其中諸家政雖妻子不敢關說人莫知其意然自  
元思之歸許也子弟有終身之師賓客有忘歸之館隣里鄉黨無餒死  
之民無不舉之喪無後時之婚嫁陸無危道水無病涉人之戴之若父  
兄然後至元五年八月十有三日竟以疾卒年五十五自元思之喪也  
人皆曰君子死必有可法吾於是觀焉自元思之喪也夫人雖哀痛不  
夜哭子延壽延年而墨骨立行若思坐若遺哭泣多時孫師範嗣又蒙  
正禮降父一等而哀戚亦如之人皆曰君蓋能以身教者矣嗚呼元思  
庶幾有始終哉有季子一人曰延齡早卒女一人嫁張榮祖孫女二其  
葬也以至正二年十一月十有六日兆在沈村之原銘曰  
惟許受氏秦嶽之後循源之流有堂必構睢陽之忠長者之惠運幹之

節元思之義前旣本之後復濟之惟其訓之是以順之我思元思蹈德  
執禮匪伊人只曷伊懷只

見山居士程君峴墓誌銘


管子瑜

至正甲午仲夏之五日休寧程君和卿觴客于所居之見山樓距君始  
生不旬其樂後五日君以疾卒衆爲之駭惜弔哭甚哀君之子思齊  
奉其塾師金伯明先生所爲狀泣拜請銘予不佞司教休寧所往還若  
君蓋不數人而君已矣義惡可辭邪按狀君諱峴和卿其字也所居曰  
陪郭故休寧縣尉諱隆之孫永盈庫副使諱忠甫之子方乳而孤母汪  
孺人以節自勵躬教育之然君亦闈爽秀發知自立以副母志稍長從  
學趙可齋先生及叔祖提舉孟敷讀書吏務究知旨趣爲文亦純雅不  
事雕飾嘗一上秋試弗利遂棄去不復學曰亢宗豈在祿仕哉日具滌  
瀦率妻孥以奉母母安其養事兄仁卿如父每事必咨而行怡怡之風  
懿者愧服縣尉公當國初嘗傾貲以解屠縣之禍家以中否而副使君



早世君竭力經營十餘年家道載興九田之被斂與先墓之見侵者悉  
追復之乃置祭田合族人建亭始祖墓下題曰永思具條約定儀則爲  
又計朱允升先生實記其成君以本宗出梁將軍忠壯公後且與伊川  
先生南渡子孫通譜互繼而譜未之續也會宗人歛西教授傅巖閔川  
宣使槃齋及會里孝隱翁天經汉口處士可大參考訂定爲程氏世譜  
三十卷又約爲程譜提要二十篇其末論治家之道本奢儉以爲興衰  
由婦言而生和競諄諄懇切讀者傾竦君爲人喜交游敦信義吳興唐  
君棣金陵楊君翮爲令簿率禮君或以疑政相委君每辭不應於所居  
作樓甚壯麗題曰見山日與名流吟眺其上自號見山居士而人亦以  
是稱之其中高清曠內行醇謹真無愧古所謂遺逸之士者歟君生至  
元庚寅仲夏之十四日享年六十有五配戴氏先卒繼吳氏皆有賢行  
子男三曰思齊曰思誠曰思禮孫男八曰光曰文曰高曰勝曰章曰同  
曰龍曰安君墓在縣二十五都西源金石塘銘曰

卓孤而振厥家爲君子終隱而善厥鄉爲古士孰素以傾軼顯弗齒君  
實乳多尚利其嗣





新安文獻志卷八十九

行實遺逸

乙集

祁門李君 與家墓誌銘

黃文獻公

君諱與廉字子常姓李氏其先唐宗室廣明之亂避地東南至歙之黃墩兄弟三人析為三族居祁門字谿之槃田者曰鴻君始祖也十世祖秀有子六人六子而下兩世合百有二人後益蕃衍遂為其鄉之望君曾祖諱俊祖諱聖任父諱如深因所居以為號曰盤隱宋末干戈未定之際里人皆賴以安母熊氏君於兄弟五人中最幼熊氏出也生而秀異既長躬行孝悌侍父疾衣不解帶者三年父沒四年而母亦歿居二親之喪動必以禮俚俗誕妄不經之說悉屏去之首先廬設奉其長兄而別為諸兄築室乃依山結屋而居焉長兄官池之青陽往省其疾越翌日兄卒其長子甫四歲次未晬奉寡嫂扶護其喪以歸次兄繼卒而兩庶兄亦卒為經紀其家事曾無彼此之間祖墓世遠多蕪廢率族人



訪求而表樹之割已田若干畝立祠於十世祖墓而刻其譜系陷宣壁  
間族人子孫貧乏徙他郡而人竊賣其墓地者有夫婦俱死子幼而  
人竊賣其田土者悉爲出力盡復其舊外舅姑沒撫其二子至於成人  
又皆死爲立後而葬焉諸姊來寧而沒者則爲治喪而育其子嫁其女  
從夫遠宦而老且病者則迎歸而爲其子納婦俾職奉養夫與子俱亡  
而無依者生則養之死則葬焉其篤於倫理類如此君與人交無親疎  
各盡其情然剛直尚氣節臨事果敢歲饑民相率盜取人粟長吏庸孱  
畏憚託故避去君以爲稍緩將滋蔓而爲亂奮身勇往擒其首惡餘黨  
皆駭散因出所儲以賑其不能自食者人尤以是稱之所居有澗水出  
兩山間架石梁其上以便行者暇日則治東園時花卉作亭其中而於  
其外疏泉爲池構屋其上乃日與賓客以觴詠相娛樂不知老之將至  
也君平生最留意於大學衍義之書蓋有志於致君澤民之事矣慨念  
兄弟惟已獨存不忍遠去其親暨親終服闋遂無復仕進意將終前一

歲語其子曰爲人子者孰無雨露之恩我旦夕且死其割田二十畝  
取所入給汝祖墓祭自汝祖而上爲時裝省不可廢也越明年春分家  
祭君沐浴更衣饋薦拜跪如禮祭畢而飲福至三爵卽命徹去若有不  
樂之色坐至夜分左右請以休乃入就寢席未溫而形神已離君生於  
至元二十九年正月甲寅卒於至正七年二月某甲子享年五十有六  
娶吳氏有賢行後君五月卒子男一人曰元孫男三人續綽總女四人  
以某年某月某日葬于同里石壁心田之原君初延致趙先生王先生  
而與爲師友旣又聞滕先生會朱陸之學而得其同時君年已四十率  
朋從往就講習焉建閣藏書將增廣以爲義塾志雖弗遂然與君游而  
接聞其師友之緒論者處則以善其身出則能以才自見君未始有德  
色也君旣葬宿昔朋遊之士念之不忘於是王君堦以狀來謁銘予衰  
病之餘久去筆研顧念其舉也以義請也以禮不得卒辭銘曰  
李氏在唐國之近屬散處東南爲三大族君生盛時不行而藏仁興于



家善遷于鄉詩書之澤覃及士類是亦為政豈必在位不居其功以遺後人孰為可徵石有刻文

草庭程先生鼎新墓誌銘

曾悔中

婺源北七十里有山嶰嶠其下為三溪里清源程氏之族世居之諱鼎新字晞說者篤行君子也是為草庭先生予同守是州到官日淺其風土人物往往未甚知而獨君之名日聞比至其鄉見所謂嶰嶠之山峰巒崿翠盤踞數十里是宜有異材秀士出於其間者雖不及識君蓋已知其人矣居無何而君卒其家以君行之足書者乞予銘新安程氏自忠壯公以勳業顯於陳十三世孫湘為唐檢校尚書始遷婺源之三溪里里之程氏皆其裔也君曾祖天益號友于祖中宏號肅軒父時震號南溪君娶張氏二子元端元理君嘗以二程夫子之先實出新安倡鄉人祠之學宮以風學者所著有隨筆蕙復蒙學業讀書常見講義二十篇嗚呼若君其古所謂鄉先生歟而祭于社者歟銘曰

生貴達達由命式究其行死貴名名已傳其或未賢行既篤賢有譽晞說父何嗟乎不遇嶰之陽封若堂吾銘其藏視萬古其茫茫

伯會先生汪君會行述

程黥南

君諱會字伯會姓汪氏徽之婺源苻村里人世業儒徽在隋唐間為歙州其先有諱革者以才武知歙宣抗睦婺饒六州軍事隋亂籍其地與民歸之唐封越國公死而為神至今廟食不絕子孫最繁盛居人汪氏十望八九始居苻村里者諱集距君十三世矣代有顯人君之曾祖諱之和祖諱夢得父諱彥鄉連世不仕宦而彥鄉以儒大有名於時學者稱之兩舟先生云君生而穎敏讀書一覽即暗記十五六時出與里中少年才子結交皆指目異之君亦意氣自許是時國家定江南未久士失其業而君家故貧里中又當孔道數經兵火兩舟先生性淡泊雅不事產業至無皆借屋以居又好賓客君百計經營以奉菽水不使其親有一毫不足之憂兩舟先生晚多病客屢及門延話每移日修治藥物



具酒饌酬應無虛刻皆自君手或竟夕衣不解帶兩舟先生與夫人鮑氏甚安之亦自慰以爲有子也壯嘗買舟與商人出番陽過九江望荆湖之墟悵然思親而返遂專意於文學學益肆尤長於詩里之大家爭相延致使子弟師事焉君亦不屑屑得意樂其人則一就之意不樂非其人即舍去雖厚幣不顧也方科舉之未行也學者以辭章相高君與同里許小山飛騰叔野全祖汪又善先生俱擅名當時時人目爲四雋及科舉行始欲奮筆以取功名連試連不得志有司乃曰吾志豈不如古人吾命乃不如今人遂潛心經術稍變其舊業而一趨於周程張朱之學不切切於章句亦不汲汲於場屋有自得之趣焉見世儒好著述者病之謂其剝塞穴道反使先儒正大高明之說鬱鬱而不彰曰周公以後難言禮朱子之前可註書論者以爲雖有所激亦名言也君旣卜築浯溪之上頗治田園以自娛賦隱居詩九章四方傳誦之家有橫經之堂林木蔚然人號橫經林嘗與許飛許汧九日登年丘山颶風長嘯人

更號其山爲三子山其見慕如此集慶南臺許涖郡學六齋生徒尤盛非才德重碩莫宜爲之師君在吳中有以書幣迎君君至坐上齋從容爲諸生敷繹經義申規更約以類授業未數月六齋翕然尊信之御史郡縣長吏里巷老人寓公過客莫不稱其善是時君之下幼鳳先以進士貢春官出爲采石書院山長固迎養君君亦念諸孫欲歸教之遂如采石留久之題詩壁間以示志遂歸至正七年某月也明年七月八日年六十有九以疾卒于正寢君方疾而召醫醫數輩投藥不効旣而揮藥去不飲曰年老求活何鄙也因正席而臥越六日日正晝或見有白氣如練自身騰上須臾卒君個儻夷曠過人恒疏目簡節而篤於大義母弟二人季弟弱冠得心疾君盡力視療躬抱扶盥沐不懈嘗舟過饒之德興因省其氏姑適姑家疫鄰人戒勿入君曰親親之義不可棄也即訪醫求藥以進之信宿而返姑家疫尋愈君亦無恙從兄無子而弟有子留淮且死厲君曰必以淮姪後我旣而利其貲者強起爲之後君



不聽卒迎淮姪歸以成死兄之託外家鮑府君無後君求為立後不得  
歲上其塚墓時節設位以祭之賓客至不問家有無傾倒款洽極歡盡  
禮乃罷與人處嘻嘻善談詭無町畦或有過面責之不怒人服其平往  
往有鬪爭是非者皆來求君自直解去無所恨其卒也雖疏遠哭之如  
至親平生為詩文至多輒棄其藁眾諸朋友中得散逸若干卷藏于家  
君娶同邑戴氏女有淑行先君二十六年卒子男四人皆有才學長伯  
麟次仲虎次幼鳳次無斃無斃出為舅氏後女二人長適同邑程顓次  
適俞福壽孫男八人大有少有東有舜有我有西有太有女三人  
以其年月日卜葬于鄉之環珠里環坑源予與君先世故有連君弟視  
予予嘗共君讀書許氏之見雲菴是時君之子未學也予入京師數年  
歸而君魁然為儒先長者諸子有以進士舉者矣予嘗謂君才氣磊落  
當見大用不恨遲暮而竟委棄如是邪抑將大其後邪君卒之二年諸  
孤因里人呂君誠舉進士來京師請述君之行將乞銘刻墓上以石且  
言君子擇焉

洪府君味卿墓誌銘

程黻南

曰諸孤寒微方自念何以得當代名公大賢一言以為先君重有胡然  
先生者來言一夕夢先君求筆問何筆先君以朱書廷心北筆四字于  
壁覺而莫曉其故蓋先君嘗遇今浙東僉憲余公於采石舟中辱與論  
詩先君未嘗忘先君有知其啓諸孤以是乎問之胡君而信嗚呼生而  
學不得用於世死而神通於人亦異矣哉乃為敘次梗槩如右以俟立  
言君子擇焉

歛之南有大族洪氏予所銘者味卿府君之墓府君諱洋字味卿世居  
王千里其先十八代祖政自睦之遂安徙來至今環里中數百家皆洪  
氏無他姓府君之父諱雷韞以擒績溪山民之首為亂者為黃竹慈湖  
兩鎮巡檢比改官卒祖諱儒當至元初王師討叛將李世達儒以家財  
具牛酒迎軍皇領關主將嘉之辟令歛辭優游以壽終稱長者曾祖諱  
範宋處士府君生有大志個儻好學為群兒豪稍長能飭歛代父巡檢



君持家凡調度酬應官府鄉閭出內錢穀之事具有條緒巡檢君賴之  
隱然爲一族之望矣巡檢君卒事母吳夫人益謹歲時節序盃酒堂上  
率婦子弟姪拜舞爲壽莫夜懸簾張燈笑語款洽吳夫人驪或至夜分  
不寐親黨傳相勸美黜陰陽家言舉兩世四喪費皆自己出還仲弟復  
之出爲伯父後而生產素薄者于家同食與衣約與均財撫季弟英寡  
妻弱子使有所成立聘名師教子斌聞婺源胡君默之賢即迎至家躬  
率子姪師事之胡君者跌宕不羈奇士也或夜半燃松明登山聽泉或  
祁寒着屐臨溪上翫雪少不如意輒求去人指以爲恠誕府君愈益禮  
敬不敢以主賓故與釣故胡君樂爲之留斌學之成胡君力也素好賓  
客東西行過其廬者一以禮意傾之人人自以爲得所欲常養厩馬數  
匹以給迎送客至如歸初避宋末兵亂移居覆船山下逮府君始奉親  
還宅故址鄰大道云年四十又於宅東數百步規園一區決泉開溼手  
取住花美竹槐柳果蔬雜樹其中休則誦詩讀書以詠歌聖賢之道曰

用世非吾事也吾將老矣焉已天曆元年四月十有五日以疾卒年四  
十有六府君平居辭氣嚴毅少許可人有是非曲直一處以公鄉閭訟  
爭者多詣府君求直其有私爲不善者輒相語曰洪公聞之寧無媿乎  
自府君之沒里中訟爭紛然強暴相陵弱寡不能伸一喙人始嘆曰安  
得復見洪公以白吾心也府君沒事有所欲爲與爲而未竟者子斌皆  
能成其志卒爲之娶同邑鄭氏女生男一人斌也女二人長適績溪高  
若泉次適鄭夫人兄弟之子元秀孫男四人莘生善師萱慶慈壽生以  
至元二十年正月十六日葬以後至元元年閏十二月十九日墓在里  
東之慈溪烏山後十有三年斌以鄭先生玉所爲狀來請銘予固辭斌  
固請拜且曰久願有待也予悲其志讀鄭先生狀謂曰子之先君子才  
足以用世局於山林之下無能知而起之者得鄭先生而益彰鄭先生  
狀約而文質而信予不能易鄭先生一辭乃綴之以銘銘曰  
一石之美遠或致之一木之良小或器之士懷奇抱異而世有不及用人有



不及知赤兔在野驚鞭而馳蕭數艾葉委彼蘭芝天者斷可識而人者誠可  
悲嗚呼百世之下慈溪之上有式車下馬而過者非府君墓猶我銘其碑

處士黃公 孝則行狀

趙雲心

公黃氏諱孝則字誠夫號德菴歙之衮繡鄉人十六世祖璋自祁門左  
田徙歙西九里號黃屯曾孫芮唐孝子名見史傳後黃巢之亂舉族避  
兵渡溪北墓側居焉至公高祖邦俊曾祖慶長祖淵世有隱德父大受  
母程氏公自幼聰敏器業過人初就塾師大奇之長觀書悉能通大旨  
十有七歲父卒兄孝善亦蚤世獨奉母撫其姪金聲不幸又喪撫其姪  
孫泰俾成立俊聲日起由是鄉之事無巨細咸推公主維有訟者必先  
質之公正其曲直或相責而退或望廬而返里有父言子不孝者公告  
戒警諭父子感泣慈孝終身宋末李銓爲徽州招討使公素與善欲辟  
從仕不起丙子夫朝兵至城附銓遁急女幼不能負以托公諾之撫訓  
成嫁之與已女同至元庚寅歙潛口松源等處盜賊並起居民駭散公

撫諭一鄉獨安避寇者多依焉監郡馬思忽公總兵來討公醜酒勞軍  
力言玉石不可俱焚遂留軍中擒其渠魁凌六乙而馭餘黨復肆猖獗  
議進兵屠之公復諫曰殘寇未俊當諭之恩信示之禍福使其來降不  
降誅之未晚監郡感其言遂給招安旗幟命公單車入其營賊見之以  
爲官軍至播鼓進兵欲刃之公下車正色自道姓名曰汝元惡伏誅更  
復何爲吾念汝良民不得已而從逆今領將軍命至招汝來歸汝若改  
過當全汝父母妻子安業如故汝若不俊官軍復至無唯類矣賊知公  
名德皆羅拜曰更生之賜敢不聽命遂投戈感泣率其黨三千二百人  
各攜妻子來降拘其器械數千納之官各鄉之避寇而他者比復田里  
賴以安全監郡公議以功授巡檢使撫降民公笑曰吾豈屑屑爲此者  
辭不受時江淮行省委前徽州路總管許楫寧國權茶使司木八刺提  
舉到郡招諭歙境已平上功都省除命未下而公卒元貞乙未閏四月  
二十三日也年六十一男天麟有才德後公十五年卒孫儒壽觀壽長



省署烏程縣校官次從師曾孫塾亦幼慧類能世其家者公嘗營菟裘于所居之西北曰葉干以大德丁未二月奉匱歲焉其右以公之室陳孺人附孺人進士夢松女儒家也既歸公事舅姑唯謹撫男女有恩待物寬和持身慎約後公十八年以皇慶癸丑正月二十一日即世女名友弟適許鵬南亦儒家子儒壽兄弟將乞銘于世之大手筆以若惺知公爲詳俾狀其行自惟涼薄語言不足動人文辭不足字衆屢譏不置叙其梗概以慰稱揚光美之盛心而實不足以盡之立言君子更詢里中耆舊則庶幾矣延祐五年十月 日里生趙若惺狀

鮑仲安元康墓表

鄭師山

仲安諱元康子友鮑景曾之子也予與景曾交時仲安方讀書家塾未嘗與人接予又以負薪之役奔走四方不遑家居故仲安未予識然仲安勤於讀書自經籍外諸子諸史以及山經地志岐黃醫書孫吳兵法與夫佛氏經典神仙家延年長生之說無不研究而尤以脩飭行義爲

先及予終養優游林壑以故人子弟來從問學一見即曰前所學者皆誤也吾今而後得聞聖賢之正學矣於是月從事於五經四書而尤盡心於易日讀一卦周而復始玩索有得輒筆記之且曰上下繫辭夫子所以翼易程朱之說嚴謹簡略蓋引而不發學者宜盡心玩味使與六十四卦三百八十四爻相出入字字有所歸宿方爲有得嘗語人曰自吾從先生游於體認道理識所謂活潑潑者於應事處變得經權之說焉景曾晚年仲安尚在幼冲已能出其智謀佐其家政及景曾大故仲安既除喪即曰先人勤苦起家蓋欲積有餘以及人况聚而能散禮經之善教也元康敢不力迺以其歲所入十分爲率三分以贍老幼與凡家用三分以供公上貢賦及官府百費二分積蓄以待水旱一分賑恤疾黨姻戚鄉鄰自親及疏各有等差又一分貯之別所以待親友之有患難者隨其輕重量力周之遣嫁孤女收養孤子義之所在知無不爲休寧有務官以虧課粥二女陷倡家百計求贖之使復爲良設立社倉



時其出內以濟里社之貧乏弛其息不取又嘗欲置坊局儲善藥以救疾病為不樂善者所沮朱文公舊有祭田百畝為族人之無藉者所盜賣朝廷既立文公之廟于婺源訟之有司數年不得決官民交相詬病景曾嘗語仲安曰他日稍有贏餘當以其價予民而歸其田于廟至是仲安追思景曾之語弼其材木之山得錢為中統鈔者一萬五千餘貫而文公之祭田始復其他濟人利物之事累數之不能終事母程夫人尤孝謹求新鮮於山澤取珍異於蘇杭時其食飲體其溫清無不得其志焉至正十有二年二月紅巾賊至饒州仲安與鄉人集丁壯結保甲捐財出粟以供費用及賊至婺源知官軍皆敗走度民力不可支乃藉鄉里之貧者計口給粟使携老幼入山逃避四月郡城陷賊購予甚急予將死之仲安謀於諸生曰家破何以再營先生死世豈可復得吾將傾家以解是難乃使其從子深與吾弟璉以計行賂諸賊予始得免九月大軍克復仲安與深璉行山其應之出入山谷勞苦成疾病且革

謔語唯云殺賊十一月十日卒年四十有四吾邑之人遠者奔赴近者巷哭皆如喪其親戚骨肉焉予使深主喪事是月廿日出仲安之柩于外以待卜葬越三日賊復至家遂燬焉柩獨無恙人以為積善之報仲安天資高卓識見過人自其幼時為學已與流俗不類及從予遊講貫益精踐履益篤乃率同門為予築師山書院聚學者而肄習焉予方將以講授之事屬之仲安仲安亦將有不得辭者而遽死也豈天喪予乎天喪予乎乃叙其梗槩立表墓上以識予之所深痛云

鄭府君以文墓銘

王忠文公

歛有隱君子曰鄭府君既歿之十有八年其子德裕始奉執友唐君桂芳所為狀以銘來請德裕之言曰先君子德有以成已而壽不及艾也才足以用世而名不及顯也惟是葬且久而墓上之石猶無文以刻先猷遺懿將無以暴於後世不肖孤之罪何以辭今幸獲交於執事不朽之託竊願有請也予惟自昔君子負其所有生不克表著於世死因泯



泯而無傳者衆矣今德裕獨能圖其親於不朽其可謂孝矣迺閱狀迹其所列與德裕言合且唐君其鄉先生也爲言尤可徵則爲按狀序而繫之銘府君諱以文字彥章鄭姓世爲徽之歙縣人曾祖南鳳宋迪功郎江東提刑司幹辦公事祖申道宣教郎父昭祖元奉訓大夫江淮等處財賦都總管府副總管奉訓公先娶許氏生二子長曰淵承事郎平江等處財賦提舉次曰深再娶羅氏宋朝列大夫龍圖閣直學士吏部尚書汝楫之六世孫奉直大夫新安通守鼎之女生子二人長即府君也府君生而凝重狀貌偉然甫七歲氣象如老成人讀書過目即通大義爲詩歌語出人意表奉訓公愛之甚延名師訓教之常曰此真吾子矣不幸奉訓公遽捐館承事君方遊京師縱萬金以結客久留備宿衛而深又蚤世於是府君獨奉羅夫人理家政內外井井有條遇事應物隨其鉅細急緩處之若絲理櫛比不少紊年饑減穀價三之一以振貧乏鄉黨宗族稱其厚德無間言而產粟捐書日益加承事君之家食也

治園池構亭榭日與賓客盡觴終日以爲娛府君左右承順得其驩心而羅夫人春秋高且寢疾久府君奉湯藥惟謹夜則稽顙北辰願減已年以益母壽及居喪哀毀骨立人有所不堪撫承事君之子咸有成立女各得所歸其孝友純篤有如此府君識度明朗氣和而行夷雅不嗜仕進而樂從賢士大夫游與之游者咸服其德語自謂不及也至正癸未郡府列其行義上於行中書南行臺揚公銜飭曹公復亨皆名御史也復劾薦之當得官不報壬辰之大盜及其境以物色求之將強之出府君憂憤疽發於背而卒十二月某日也享年四十有九元配程氏浙東宣慰副使相之女繼室吳氏子男二人長即德裕次德堅女三人適汪誠程輻戴琥葬以甲辰十二月某日葬在寧泰鄉小干山之原銘曰有豐以殖之孰奪而嗇之有振而擇之孰闕而抑之吁嗟乎維命實職之施之獲之子孫其食之我銘以勒之過者式之

南雄路儒學正白雲先生唐公桂芳行狀

鍾啓晦



先生姓唐氏諱桂芳字仲寔學者稱白雲先生其先始祖諱承昉京兆人從宋高宗南渡爲新安太守子孫因家焉曾祖諱廷雋宋登仕郎祖諱虞治周禮以待補出身由婺源嚴田李氏繼登仕後配程氏無子側室有子二人長諱元字長孺號筠軒即先生考也博學攻古文名重于時徽州路學教授致仕妣徐氏端重柔淑爲閨門楷範先生生於戊申正月三十日甫十歲授業於鄉先達杏庭洪公潛夫之門日記經史穎悟絕人每篝燈夜讀吾伊之聲達旦雖隆寒盛暑疾疢不爲之輟教授公愛之甚每夜分以校叩閣戶曰汝休矣勿過於勞也年十五侍教授公游吳庠受毛氏詩於錢公水村龔公子敬卒業而歸期待之甚至弱冠貢于有司不利客金陵聘明道書院司訓再聘司訓于皋庠一時名公碩儒若李公青山其二子伯羽仲羽楊公志行丁公仲容李公晉仲陶公主敬接識之頃莫不器重之而商確詩文咸加推讓後主白容杜叔良家熟監察御史楊公弘正以文行薦閩南教職御史曹德昭復催

舉遂擢建寧路崇安縣教諭始至生徒星散學宇傾圮於是重修孔子廟建建齋舍秘書彭公炳元亮爲紀其績築杏壇自爲文以記之時右丞烏古孫公良貞幹卿僑寓崇安深加器重開東閣以延之而右丞子燁平章吳公可堂姪琰御史王公德美子通御史朝用子伯顏不遠千里從游講下師道嚴肅諸生雲集翰林待制杜公清碧擅知人鑑嘗曰內附以來崇安教官當以唐公清才懿德爲第一人以滿代去御史安公止善再舉入廣選銓南雄路儒學正未赴丁內艱先生居二喪哀戚號泣毀瘠若不能爲生嘗以報親未足買田附祀於西山庵又買田構祠於藤源以奉祀事未幾壬辰滄亂斬黃盜起挈家奔竄老幼匍匐僅全性命而已丁酉秋我朝龍興平定海宇

天兵東下而歛之版圖先入職方氏戊戌太祖高皇帝駐驛于歛訪問耆儒而僉院鄧公愈以朱升唐仲實名聞召對稱旨有尊酒束帛之賜事載寶錄鄧公嘗以禮羅之俾掌儒學



秋丁祀事牲醴蠲潔禮儀嚴整值三獻未終知府魏公均祥飲福受胙而悍卒遽攫其肉以出先生惡其瀆法盥禮立殿階上朗讀糾劾之文左右莫不震懾爲先生危而鄧公尤加敬焉退居槐塘上爲宋故相程公元鳳之鄉授徒家塾買田築室廬以爲終老計所居之園前列三峯乃扁其居曰三峯精舍提刑按察司僉事三洲陳浩記之舊友僉事喜山公行部下車延見相與叙話疇昔酒酣先生大噱起舞太守李公訥命繪爲圖葺私謚晉淵明爲酒聖陶先生唐王無功爲酒賢王先生自稱酒狂唐先生凡歲時令節先生以圖像祭享設酒漿陳俎豆舉觴浮之不至沉酣不止或披衣哭泣歌笑以自放識者以先生有托而逃蓋佯狂云門人呂旭特著以傳于時居無何駙馬都尉王公克恭太守魏公均祥俾攝紫陽書院山長先是書院在南門外燬于兵燹先生謀度地移建於東關縣學旁凡士林中勸相木植瓦石構正祠二楹兩廡十楹門屋三楹中肖文公傍肖西山勉齋以配享焉崇理宗朝賜紫陽書

院四大字其二穹碑龜趺墮城濠中雖經兵革堯城垣而二碑歸然不毀衆以爲復興之兆也至是先生與荆果驗戊申太守胡公善賢同知何公翔卿禮延於紫陽書舍開講壬子千戶唐震朱興卜築於登瀛坊尊以師席訓其諸子甲寅夏復築室於烏聊山麓故居舊址扁曰文壽堂日以訓子授徒爲念雖蒼顏白髮而游心經史以自娛樂是年秋七月忽嬰下子夏左丘明之疾然而雄篇巨帙論議英發氣不少衰志不少挫毅然以道自任而不以有疾廢當時士大夫學者翕然宗之辛亥夏五月患腹疽之証伏枕幾七十日疾已小愈七月廿又一日申時子孫環侍作贊曰兩袖清風千里白雲蕭然而逝享年七十有三配江氏先卒三十年有男一人曰文虎以明經舉任四川瀘州江安縣丞秩滿調廣西鬱林州北流縣丞以疾卒于官女二人長順德適鮑添寧次愛德適張仲啓繼室全氏有男四人曰文鳳欽庠司訓以文學舉除江西興國縣知縣改 趙府紀善曰文麟曰文奎以能書徵纂修文淵閣送



吏部曰文楷孫男十有二人家慶江安家禎家興俊民永安保添民壽  
民信民祺民樞保牧民女孫十有一人長慶適汪慶師壽慶適潘某月  
德適程遇懿德適汪宗德淑德適汪討得靜德適程弋祖添貴適吳益  
閨秀適鮑其閨賢適吳綿遠曾孫男十有五人桐孫官孫賓孫蕙孫芷  
孫佛蔭茂支希孫佛希茂端茂萱茂美榮孫茂英曾孫女十有二人以  
癸酉十二月廿又六日窆于孝悌鄉呂家林癸山丁向以全氏附先生  
身長六尺二寸美髭髯雙瞳如點漆面如紅玉氣豪邁老而彌壯雖遭  
困躋浩如也每富貴客廣會酒未酣清談娓娓議論風生座客傾聽不  
敢忤視人人畏服而尊敬之其為文一以氣為主辭嚴而理正及其成  
也神驚鬼愕意態橫出勃勃如春濤起涌令人歎賞其為詩清新流麗  
出語驚人而聲調格律鏗鏘瀏亮讀之琅然恆聽有武夷藁白雲集畧  
四十卷藏于家先生生平澹於利慾輕財尚義與人交洞見肺腑不事  
邊幅而性孝友最隆於教授公敬愛禮先生留金陵崇安凡遇生辰

嘉會必刻期而歸致遠方珍果異味以為親獻於諸兄弟怡愉克  
勤友恭於朋友危苦則賙卹之患難則扶掖之以協於義此先生履歷  
行事之大概也予忝與先生之次子藩府交十有七年矣凡於議論之  
際文字之間得聞先生為詳而文鳳嘗以先生之行述未有能紀之者  
潛然以請予以僚友之誼不敢固辭文辭蕪陋固不足以發揚盛德之  
萬一而當世宗公鉅儒顯而述之則有待也遂錄其言為事狀一通  
以俟執筆者采擇焉未樂十二年歲在甲午春正月望日狀按戊戌年

辰自宣至徽召故老者儒訪以民事有儒士唐仲實姚燾者來見  
上問曰大軍去後亂以木民歸失業其心望治其於飢渴吾深知之仲實  
曰自問上曰能博通古今必謂成敗之有必愈所為迫促以失人心即命罷之  
又問曰爾能博通古今必謂成敗之有必愈所為迫促以失人心即命罷之  
世祖此數君者平一天下其道何如仲實對曰此數君者皆以不嗜殺  
人故能定天下于其後君之長驅除禍亂未嘗殺出民膏火藉之於社  
主之公聖明神武謙數君之長驅除禍亂未嘗殺出民膏火藉之於社  
席之上開創之我積於前代然以今日觀之民雖得所歸而未息  
未嘗以此言是也我積於前代然以今日觀之民雖得所歸而未息



如堤砥之性也詩云

之仲實等拜謝乃賜諸父老布帛撫慰之而去

程先生平傳

汪榮華

先生名平字德正徵之績溪人也徵古新安郡程為著姓皆祖梁忠壯公靈洗簪纓不墜至平三十有六世矣先生幼失怙恃然稟性溫厚恭恕言貌恂恂與物無競鄉里稱之素與里人張德良友善其武初德良坐監價事罹法呂凡百餘人而波及先生御史廉得其情喻之曰灑於眾則汝免矣先生起謝曰家世業儒非義不敢為平不幸為人所誣而又誣人欺天者天可欺乎寧以身待罪御史深歎異之尋謫延安與郡人朱仲杰偕行仲杰悍戾不以道相遇盛暑同休憇道傍樹下仲杰曰德正守行李我前問店乃趨酒家久不至俄暴雨水潦其行囊先生自救不暇仲杰還盛怒責償於先生先生如數償之不與校逮至延安仍與同處仲杰以醫自託于梅百戶明年仲杰臥疾知不可療以其所有盡寄之梅曰必吾子至乃可付之既卒梅調守他郡仲杰死先生又

備棺擲衣衾而舉之或曰其人待子如是獨無憾於中邪先生曰彼自虧其德耳且與同郡而生同患難而來死無所歸於我乎殯聞者莫不歎服朱氏子德生以母命來省親行至汴聞其父已死而囊篋又為梅百戶挈之他往中道還家給其母曰吾買地葬父于城東矣又出其所携衣曰此父遺物也越三年庚申先生子寔往延安省侍遂命負其遺骨歸績溪信報朱氏子令迎柩還葬德生怡然不復顧丙寅秋先生自延安歸知朱氏柩尚留殯後園不悅曰延安數千里尚為負之歸由績溪距休寧僅百里豈可九仞之山而虧一簣之功乎且其子既給其母必慚懼不來即命孫通為送至其家其接人待物存心忠厚毋如此子寔字以誠亦剛直尚義有族弟以忠由河南永寧令轉知潮陽程鄉縣洪武乙丑以忠之子泰乙年稍弱屈寔與偕中途聞以忠因事繫獄偕侶求回寔變色責曰汝父官所坐事正當捐生赴救舍之而歸獨何心乎偕侶曰將如瘴癘何復叱曰但當力以赴援瘴癘非所恤也至潮陽



月餘乃還過文江果以冒瘴而殞年五十有一丁卯冬其子通冒風雪  
往奉柩歸葬通年二十二由邑庠升禮部試入監學

論曰先生忠信人也古人有言忠信之人可以學禮孔子亦曰必有忠  
信如某者焉夫忠信質之美者也由之以學焉斯可以為聖賢矣嗚呼  
急功利尚姦詐亦云極矣焉得有如平父子者之死不違信義者乎之  
死不違信義是宜作傳以傳不朽故為程先生傳

程氏國英墓誌

朱鳳林

士之立於世也莫大於報本善其親以及其族里達則施於一世斯可  
謂報本矣夫天地生我者也秀氣毓於山川慶源於宗祏而體託於父  
母斯四者有身之本也父母劬勞不忍言也已我之生也而立也族之  
人由親而疏邇而遠其慳我謂何妣祖之願於我者猶我之願於孫曾  
也存恤所以為不忘也顯揚所以為不辱也會其非顧念雖爵位壓朝  
著勛名滿天下可以不覲於族里可見翁媪於地下哉果無愧於天地

生我哉吾是以於里人程國英而有感也國英幼不好弄長而知向學  
既冠慕古人為壯遊遊商迤至滕薛城有任中丞某者致政里居國英  
事之數年道德之懿文獻之粹日有所得至正四年年踰三十南歸往  
役于縣縣宰唐子華名士也苦縣事煩弊不理歎曰安得一明快吏集  
吾事乎一日覲國英於庭而異之與之語有契執其手以上曰吾事濟  
矣且使佐治詰捕事國英感激道不隱賢凡其學之所及而力可為者  
勉勉焉官若民咸賴之凡胥吏恒態官民所病者人不得以幾微疵議  
之也十二年蘄黃兵蹂郡邑自是四五年間勝復者六七殺傷燬燼東  
奔西避所謂出百死得一生者而能間關委曲於勝復之間家之人無  
失所者里之人卒以保完無罹橫禍者風波既定縣之境內視平時不  
耗數如此鄉者百不一二焉故宅臨驛道既燬矣乃作新居於水東重  
屋面山正為屏樹名之方山樓居之右圃中有亭曰時止日灌蔬種花  
竹可憇也亂後有此可謂樂矣弟祐早亡孤遺三人長者亦不滿十歲



既成立之皆有家矣兵亂時縣之官有身罹禍而遺無依者二人亦既  
成立之矣新居且完祀有祠堂客有館矣里人之相處有禮俗供公上  
者有程下至爲舟以濟涉比皆有常惠矣於是郡縣舉之賢良以病不能  
行數月竟得終于牖下明年其子宗奉治命以葬以客陳鑿狀請叙以  
表其墓焉叙曰徽州休寧縣黎陽鄉懷仁里國英所居也仁其名靜翁  
其號也東晉新安太守元譚陳開府儀同三司忠壯公靈洗其上世也  
號南溪翁者其先祖也考諱端而妣之氏沈也壽童者子宗之子和其  
善者弟祐之子也張悅吳寧女子子之夫也趙庶者孫女夫也延祐甲  
寅九月二日其生之時吳元年六月一日歿之時也其配徐氏先年七  
十卒葬于時止亭右側國英所自營而今合葬焉者也嗚呼國英有田  
劣一頃家餘貲不一金僅效小用於邑之事而能知以報本爲大而力  
行之立其身善其親及其族里所就如此使其稍進於是效一官以展  
其才用得田祿以週不足必大有可觀者而止於是常情憮之矣昔鄉

先生鄂守羅公作忠壯公廟記首叙夫功名之士不可以歸見鄉黨家  
人者讀之感泣羞愧者十人而七八嗚呼吾國英持其所就可以見忠  
壯公於廟庭矣而又何憮焉故樂爲叙之而復頌之以詩也詩曰  
若稽田是穰黍貴者身身有本身之本道之存葛與藟比與根程君無  
官寡皆力鄉閭喪之踰親戚江濱之積碣數尺泊舟觀者勸爾德

故城縣丞汪先生德懋行狀

趙彥全

先生諱天應字德懋以字行姓汪氏世居新安唐初越國公華保鎮六  
州賜廟食其長子朗州法曹建二十二傳至良佐族益蕃衍自歙下埃  
遷休寧羅墩距萬安不一里許先生七世祖也先生曾祖庚宋太學生  
元初不受徵而死妣朱氏祖鼎元浙東茶鹽都轉運司副使妣金氏考  
通饒州路稅司提領妣吳氏先生生六歲失怙母鞠育之比入小學發  
憤勵志雖隆冬盛暑未嘗釋卷久漸成疾乃闢家塾萬川之上延環谷  
汪先生而受業焉既又從學東山趙先生遍謁諸前輩若待制師山鄭



公學士風林朱公春坊貞一汪公東阜陳實御隆阜戴尚文俱相師友  
同里任本初則相視若兄弟然講貫尤密於是學問大進經史悉通環  
谷先生嘉其篤志以清苦名其齋業益以精其究麟經尤深達其旨嘗  
以疑問諸質東山先生凡三十餘條究極性理之說遠近爭聘為師先  
生隨材施教不厭不倦子弟各有所成就至正六年縣尹唐棟徵各郡  
名儒賞試延前貢省元李廉為主文外郡來就試者五百人僅取二十  
五人先生與焉值疾作不果行元末兵興避地松蘿山中至正丙申院  
判汪公同兼保領鎮休寧起義學于商山延先生為訓導居數歲  
聖朝混一洪武辛未春以秀才被召擢故城縣丞抑強扶弱泣政廉平  
不苛以察私謁無敢闖其門居歲餘為通租事所累謫居鳳陽遺書戒  
子云古人處困而其儉德可以避難最是日用飲食要節儉我清苦自  
名故難中易過毋以我言為迂所藏經史子集宜珍藏之又寄詩以勉  
其從師講學雖居顛沛未嘗頃刻忘讀書之志二載而終詩五十四計

吾之來聞者莫不哀悼生元至治二年壬戌正月十三日歿洪武乙卯  
九月十三日葬鳳陽府鍾離縣西南十五里曰西屯娶石嶺吳氏有賢  
德事姑孝能口誦孝經諸詩性弘雅人未嘗見其出傲言善理家不以  
勤先生無子立兄恭二次男正宗為嗣二女長適邑南程公善次適同  
里邵彥實孫男二長諫次回回以俊秀選為邑庠弟子員惟先生家世  
儒業孝友天至性資嚴毅衣冠整肅平居交接儀容儼然親族長幼莫  
不敬畏幼孤親訓之學底于成而先生事親雖流離之時養志不違安  
人歿於艱危之秋而先生喪葬盡禮清修苦節其於淡泊客至終日危  
坐談論道義無倦色雖習舉業而古風近體尤典雅可追古人而不苟  
作環谷先生編春秋纂疏及輯通鑑綱目考異先生時與折衷及東山  
先生之歿尤篤契誼蒐其平日所作詩文編次成帙以傳鎖以先叔東  
山之故叨陪先生几席甚久勉勵訓誘受知惟深茲忘其固陋述先生  
履履大槩俾來者有考而立言焉昔洪武二十二年四月望日門生趙



鎖狀

徵士程君吉輔墓碣銘

薛兵書

太常卿兼翰林侍講學士程君以書告遠曰惟先高大父徵士君之葬未有銘先襄毅公欲請于執事未果也敏政不佞嘗撫拾遺行爲阡表一通然違世既遠事多漏書近考諸公牘家乘而諗夫失爵之故謫戍之由尚未之白失今不圖則使先德遂將泯焉敢以爲請遠與襄毅公同榜進士平生之託豈可孤也乃序而銘之序曰君諱吉輔字昌祐晉新安太守元譚之後也太守十二傳至梁將軍忠壯公靈洗又十四傳至唐御史中丞都使公濤子孫極盛其居休寧陪郭則自中丞次子南節始南節五世生宋開州團練使全死節于金子先孫永奇並受學朱子永奇五世生榮秀君曾祖也元江浙儒學提舉妣劉氏彭城縣君祖又貴饒州路德興縣銅冶場提領妣鄭氏考社用薦爲承奉班都知不赴妣吳氏生二子長即君次國勝事

太祖高皇帝爲帳前管軍上萬戶死節爲漢追封安定伯加贈開國輔運推誠宣力武臣榮祿大夫柱國安定侯諡忠愍廟食康郎山君生而端慤氣宇不凡美鬚髯長及半體見者以爲異人從學陳實卿趙子常二先生涉獵諸經史尤好立律星筮之學要必爲有用至正末紅巾盜起婺源人汪同起義保州里忠愍侯發兵應之君悉力持家以佐軍實會天兵下徽州衛國公鄧愈得君兄弟奇之送京師入

見君固辭乃留忠愍侯置帳下而釋君還洪武庚戌詔江南諸郡縣大家一人赴闕君與行

上親御奉天門賜宣諭將留官之君復辭歸丁巳求諸功臣後而忠愍侯無子有司以君應詔時汪公廣洋爲丞相汪公之先居休寧旌城忠愍侯夫人其從妹也君因客其家汪公爲言于上將俾嗣爵而難作君亦被繫獲免凡汪公建白一切報罷君既歸益韜晦郡邑累徵辟皆不就壬子黃公希范出守徽郡與休寧令有舊好令數遣君遺書黃



公黃公雅重君每事咨訪或屏人與語至夜分乃罷是歲  
太宗文皇帝入靖內難黃公被罪休寧人有憾于令者奏其事

詔俱逮之君之子杜壽亦上言其嘗以書筭在官與黃公致書者某也  
老父實不知由是令坐重辟而杜壽發從戎河間君居家嚴而有法充  
篤于行義周貧郵賈至傾橐弗悵晚歲家益落去隱邑之葆真山不復  
問世事日與道流者居怡然自適初伊川先生子孫從南渡居池州一  
還居休寧與陪郭程氏互相擇繼君雖出南節實伊川之裔也末樂戊  
子十一月十二日終于家享年七十有五距生元至順庚午十二月十  
五日配吳氏同里人克相君子嫻部稱之卒年八十有五合葬縣東北  
三里水橋于子男三人長即杜壽累贈兵部尚書兼大理寺卿次元泰  
福建尤溪典史次道宗孫男五人長晟初贈吏科左給事中累贈官如  
其父次斌次昱次宣次旭曾孫男八人長信正統壬戌進士歷官中外  
為特名臣贈太子少保謚毅毅次伯潘陽中屯衛指揮僉事次倫次儉

次偉次俊次傑次倫玄孫男十九人長敏政成化丙戌進士及第歷今  
官正學高文時論攸屬次敏德詹事府主簿改判蘄州卒次敏行敏功  
敏文敏通敏事敏聰敏時敏恕敏膺敏芳敏亨敏哲敏庸敏宏敏才敏  
堅敏導五世孫男八人長垣早世次堉錦衣衛百戶次圻次壇次壘次  
壇次堂次堉銘曰

嗚呼蒼天報施善人不在其身必在子孫卓彼程君雖美韜真勳猷未  
逮而發祥于曾玄者甚偉爵秩未加而延慶于武衛者方殷惟前之屈  
惟後之伸是宜執筆大書為來者勸而末其闢乎

孝則居士程君 可紹墓表

趙東山

君姓程氏諱可紹字致和徽之婺源人也其先世居邑之鳳嶺至君之  
高祖宋待補上舍子敬遷高安鎮西居焉曾大父仲賢大父震昌父子  
英皆鄉義士而君承先世詩書之澤幼從伯父林隱公復心與雲峯胡  
先生學修身謹行克自樹立鄉有不給者賜之有急難赴救之里有稅



塲官每事咨君得無敗事他如葺橋舫以濟涉施湯茗以惠暘者一鄉德之中年由高安鎮西徙居中市溪北築亭水濱曰觀瀾爲延師教子之所危學士太樸爲書二大字揭之楣間至正戊子汪尚書叔志胡山長世佐朱進士公遷皆誅識之居之左起屋立龕奉先世神主取大雅詩語題曰孝則堂丹陽尹黃公子厚爲之記刻朱子孝經刊誤以勵後學鄉先生仲魯汪公伯武王公爲之序而林隱公與之編輯世譜訂經傳惟日不足歲壬辰紅巾盜起時下令民有擒賊首從者予爵有差趨令要爵者比比然君曰人生富貴各有命以人命而易功名亦奚安哉鄉之蜂屯蟻集者君以正道化之多屏息癸巳冬母孺人以壽終君居喪盡禮一門四世雍睦如初是歲旱遍野憂惶君齋禱于未嘉潭龍湫而雨甲午又旱君發所積以賑不足則散所儲帑帛問糴他郡人以是益賢之丙申挈家避亂衢饒之境邑之豪士首辟君辭不赴君曰人生百年遭此厄偷生爲幸何意功名乎再遊難德興之文

臨終語諸子曰風塵瀕洞至此極矣謹身保族若等勉之言畢而逝君生元貞丙申三月二十一日沒至正丙申十一月十一日享年六十有一娶同邑中山隱者祝公壽朋友諱隆性慈惠篤孝敬閨門肅然一宗慕之生大德丁酉四月十二日沒至正乙未十月二十五日子男二禮用達道女四柔德適潘潤德適呂意誠適張意德適李君墓在里之南岸之原噫君昔與予遊師山鄭先生之門情好深厚其婿貴武呂公西岷李公復以武備咸集雄峯翼繼又以文事會徽府而禮用達道明敏博達信君之德爲有後也一日達道過予東山精舍奉君行狀再拜曰先人捐世今已五年生不能致孝養歿不能發幽光爲罪大矣先生於先人知之爲深願賜以文予旣悲君之未遇而又重其子之請也敬叙其梗槩如此庚子歲七月旣望書



新安文獻志卷九十一

行實遺逸

高安處士程公達道行狀

祝彥暉

乙集

公姓程氏諱達道字彥達中易敬之世居徽之婺源由鳳嶺遷高安曾祖震昌祖子英父致和人稱孝則居士公性資謹厚尤篤孝義識趣高邁議論不凡伯祖復心先生愛之教以四書大旨嘗侍外祖舅顯夫說春秋從貢士胡先生仲彝學於松蘿又侍其族叔均度於高安溪上之觀瀾亭為學不倦所造益深事親行已待人接物一循於禮而有權度人敬憚之州縣儒學累興科舉即占名前列秋闈貢舉累試不利值世變侍親避亂山中父兄俱喪榮然獨立時天戈始至訪求高士公乃出奉命下德興招徠其邑之大家如李西岷王必先祝汝明葉貴明後皆顯宦於朝是時巨室多以豐財殞身惟公獨以恬退謹畏自守保其孤弱人莫能欺皆為學之效也有識者稱為獨醒翁先是軍籍多不役民



以田糧私入軍籍官中徵斂毛起民役愈繁往往顛躓衆不便將言之  
莫敢爲首公身任之有司以聞獲免役遂均民方甦息洪武八年秋郡  
縣以朱子廟宅傾頽檄公往佐之役公夙夜躬勤出已帑以給群工不  
日告成程氏始遷婺源祖自唐檢校尚書相公而下墓若干所公每春  
暮率族屬汛掃鑿石以示永久又與從子邦寧往歛拜始遷新安祖晉  
太守元譚公墓時民以太守之墓地爲園公率斂宗人仲寧仕徵贖復  
之求立石於墓前以志中歲築室南村有水石林壑之美號南村老人  
時樵野韓公貞一汪公孝友葉公嬾菴王公東山趙公甘一時老師宿  
儒公皆與之相遊處久之復還故址之南溪湖上更號已矣軒遵父命  
於居左朔孝則堂以奉先世神主神主之陰公各爲之贊臨溪起樓三  
間曰亦政刊朱子所書敬齋箴宋司馬公所書家人卦干壁積圖書先  
賢墨蹟于其上暇日編歷年紀實及程氏孝則堂家教輯錄一卷曰養  
子須教讀書曰嫁安先要擇婿曰娶婦必論家世曰田園貴能守成曰

持家務得其人曰生財務得其道曰丘墓必以時省曰祭祀必以時修  
曰待宗親要當以禮而不失其親處鄉黨要當以和而不失其正責已  
必嚴謹責人放寬恕曰奸師友必須親尚庶有講明見財利不可貪嗜  
防其陷已列爲十日各爲一章論之年五十即自營塚壙而誌其墓又  
自贊其像與神主之陰其言皆述全歸之理達死生之義類古之有道  
者公主元泰定三年丙寅八月九日終大明洪武十有四年辛酉九月  
九日壽五十有六配同鄉環硯里中山祝氏文學德夫之長女諱賢生  
至順元年庚午六月八日終洪武六年癸丑八月十五日壽四十有四  
孝和恭惠先君與吾母遇之最厚兵燹後與伯姆孫皆以不及事公姑  
爲大恨春秋克相祭祀事夫盡婦道鄉黨間競以取法其德性行實有  
不能備述者繼室湖南白氏側室同里黃氏子男邦直女深適德興文  
港李子同汪適中平江永春汶適文港李文岳祝氏出也沂洛黃氏出  
也洛適中山祝有常源白氏出也公葬里之南岸朱芻塢亥山巽向公



之行實多見諸儒文辭宜不可贅第以邦直乃彥暉姊氏之子而彥暉  
又與公爲內外兄弟敢述其大槩以慰其子之請俾乞銘于當世之大  
手筆而誌其履行焉洪武丙寅八月望日中山祝彥暉謹狀

汪氏孝友二士

老自英漢英傳

陳自新

汪者英漢英者休寧安樂鄉人也當元至正壬辰紅巾兵起蕪黃亂江  
東剽掠村落者英與弟謀曰吾兄弟不幸生遭世變幸而年壯力強盍  
相與倡義保障一里以安吾親漢英然其言於是率勇敢士以拒敵者  
數矣一日倉卒寇至者英與角力不勝墜于陷穿大呼弟曰吾弟濟矣  
汝亟脫身以奉親漢英聞之奮勇死戰賊方散去遂援兄起俱全於難  
者英謂弟曰今居當衝要兵燹無寧日萬一蹈白刃誰奉親終乎不若  
隱遯以濟艱難遂相與奉親挈家索寓親故間關數年迨我  
高皇帝一天下再遷今之和睦鄉充山居焉爰棄武事耕讀爲業養親  
以安或勸之曰以子之能當爲 國家用何乃自屈爲鄉人乎君曰

亂世而能保其身以全其親得爲太平之民足矣又安敢求榮哉知者  
以爲遺安計也優游晚景壽考而終鄉人號曰孝友二士其子觀勝恐  
久而事泯求傳於予予惟百行莫先孝友書云孝乎惟孝友于兄弟自  
世亂道喪骨肉相殘求如二君者幾何人哉噫當墜身之際微漢英不  
能脫虎狼之厄微者英之謀豈能全父子兄弟之恩恩義無至可與古  
人孝友媲美矣抑予聞君之遠祖越國公當隋之亂保障六州廟食百  
世大有功德於民君之立心行事不媿越公後後必有顯融故書之以  
勵夫世之德錙黍紼者贊曰

元季亂離人民奔馳君獨倡義欲濟艱危力不能支墜于坑塹弟感兄  
言奮死一戰寇兵潰散我身得全相與謀議奉親東遷于孝于友死而  
不朽不顯其身必昌厥後

孝廉程公

孟思

墓誌銘

俞樵雲

程公孟思歿而葬且幾年嗣子敬夫自爲狀來告曰先君子智足立事



不輕於有猷才足適用不屑於有爲修身慎行獲保守領以歿三子惟  
仲方長懼無以昭先德敢請誌諸墓以示方來按狀公諱賓賜字孟思  
姓程氏徽之休寧人先世自休父爲周宣王司馬雲仍駢蕃隱顯不一  
至東晉有元譚者爲新安守卒官因家于茲十二世曰忠壯公靈洗梁  
陳間以拒侯景保障黥歛黃墩至十一世孫迪宋休寧簿有善政子照  
卜居山斗照九世孫安節宋季爲京西招撫司義士軍副將兼統領生  
掌書峒卽公五世祖也高祖華仕元爲帥判曾祖仁祖相卿生三子叔  
賢叔志叔祥叔志卽公父也配陳氏公生嚴毅有志畧元季盜起舉家  
避地劔潭洪武甲寅還故居公甫十三卽能率丁夫於池州砍海船木  
起赴郡咸譽其立事之早未幾 朝議以戊戌自實田或未實改造洪  
簽公言於衆曰 朝廷慮豪戶詭寄靠損貧弱吾輩豈可復踵前弊以  
蹈不測哉一秉至公毫髮不少假至今賴之石灰山之役公與兄子初  
偕往灰拆多謫浦子口種苜蓿繼奉 恩旨凡後工役者許西河納米

五十石贖罪公蠲已帑以倡諸父昆弟不期月初亦獲釋嘗自婺源伐  
巨木五千餘由饒湖抵京至安慶和賣之令下亟以狀聞請輸官  
太祖高皇帝嘉之命光祿賜館又命內府給價酬其直公神清聲長面  
方耳聳事父母以孝聞志素嗜閒弗任家事一姊與弟孟達旣長獨  
力爲之聘娶邑令周德成舉公孝廉弗果行鄉人遂稱之曰程孝廉云  
公於天文地理陰陽卜筮詩書六藝無不涉獵尤長於醫然剛直太過  
易與物忤每遇貧弱有橫罹強暴者身當之見雅德君子則和氣盎然  
如陽春然晚建觀稼步雲二樓督子孫耕讀又擇山斗佳勝處爲八景  
播之聲詩以自適公生元至正丁亥歿未樂申申享年五十有八配古  
林黃氏先公十五年卒葬本里金家山男三人長仲方卽敬夫次季方  
禮方繼室西鄉畢氏後公數月亦卒孫男八人曰維崧維岳維崙維岷  
維嶽維嶷維巒維峯孫女二人先是公族兄伯叙嘗謀葬於秦塘穴未  
啓也公歿敬夫請焉伯叙慨然曰昔二豎交攻蒙而父更生之德父未



獲報今乃若小即同穴而菀庸何傷命王鑿石為一穴而葬其左銘曰  
程氏著姓肇自休父總統六師克播皇武迨至元譚官于新安繼以忠  
壯功業桓桓盛德之後必有餘慶公之生也幼而脫穎器宇軒豁志氣  
超羣才邁於用德潤其身外隆師友內睦親族孜孜於善惟日不足伎  
藝畢給充長於醫弘濟天關躋諸耆願泰塘之原佳城鬱鬱宜爾後來  
子孫蟄蟄南羣山如龍清溪新安如練好山好水而林檎者以冰晴嵐翠  
百變而充勝者莫如龍清溪新安如練好山好水而林檎者以冰晴嵐翠  
山天井在焉南則芙蓉諸峯尖出獻秀其西與北則燕溪清溪二流匯  
程為劍潭由浙居之好事者即海共其所居之勝目為八景曰饒利民  
石生煙曰清溪居之好事者即海共其所居之勝目為八景曰饒利民  
歌曰龍華鍾韻又從而詠歌之蓋將有取於考槃之詩也王長後居空  
燬于兵者大半而存者無幾幾於銷縱橫畧無寧歲其父老莫不相攜去  
之亦既辟除榛荒而修其垣墉易其田疇為之播植懋遷有流時者不  
又幾於背矣於戲運有興廢故人物由之而盛衰獨溪山之流時者不  
相與一變滅是則所謂八景者以奉公上所謂居歆敵之中樂堯舜之  
斯者八景蓋有助焉宜流於未而子孫是式也  
洪武者乙亥冬十一月廿一日縣知縣李夢鵬書

吳處士遠墓誌銘

曾西野

吳處士既歿三十餘年其子同謁於予泣而請曰先人力為善而不獲  
施之當時顯於天下今墓木拱矣而石未有文恐終無見於後世孤之  
罪也幸為之銘予哀其志辭不可遂撰次而銘之按狀處士諱遠字希  
道桂林其自號也上世絲姑蘇來居休寧五季間有諱皓者復徒邑之  
璜源詩書相承代有顯者言祖申宋江制漕試授登仕郎曾祖銖祖應  
紫領鄉薦補大學上舍生公君儀元饒州路醫學教授母汪氏旌城望  
族處士以至治壬戌十月二十七日生幼穎敏好讀書不啻飢渴之於  
飲食弱冠授徒于鄉屹如老成人乃侍父宦游元都博學洽聞公卿貴  
人皆器重之里俗或乘喪嫁娶恬然安之不為異處士遭父喪聘而未  
娶宗族親戚皆強之處士偶聲色以拒繼有來言者輒撫膺號慟欲絕  
強者慙而止苦塊居廬幾至毀滅元季兵興群盜蠡午處士周旋其間  
孫言危行未嘗為不義屈盜亦無敢侮之者鄉民胡仲德聚眾攻剽執



里士黃伯宇金萬全吳善夫吳伯原將殺之處士馳赴謂仲德曰是善人也殺之不祥仲德即解其縛縱之後數人者望見處士輒舉手加額曰生我者父母也再生我者吳公也處士既沒皆為服喪三年處士嘗與弟希榮同隸戎伍既而轉戍永新而希榮留家田去籍為民處士獨任其役無一語怨懟竟以長子代歸晚際天朝海宇寧謐而家道小替處士布衣蔬食居常欣然無不足之色平生謙退周詳動止有常度所過無後言所居無惡聲雖宴閑獨處必正襟肅容凝然靜坐見子弟必具衣冠室廬狹隘必灑掃蠲潔鄉黨有孤嫠者必竭力調之唯恐後貧不能葬者必資助之毋年八十嘗感風疾數年處士治湯藥視天渡雖其勞備終不委之家人洪武戊午五月二十八日終得年五十有七配汪溪金氏有賢行鄉閭稱之男四人權譚壽同權壽皆先卒孫男五人得符箓驥德徵德懋以庚申七月二十日葬里汪旨坑之原處士好為詩春容幽遠渾然不見雕琢所著有桂林集都是春集若干卷歲于

家同字和中永樂初以善書選入內庭有文學克世其業銘曰吳氏之先粵繇仲雍世家姑蘇克振厥宗分居休寧爰自五季皓遷瑣源有衍無替暨于處士炳蔚其文菑而不施厥聲以聞孰畀其材而嗇其壽畀將疇司嗇又奚咎所得則少其存孔多天寶為之人其謂何蒼山峩峩墓道有石後有考者請視斯刻

金處士祖壽墓表

江正字

休寧南街之金公孟起卒卒之夕閭巷之人奔走而告哀者相屬於道邑為之罷市鄉之耆老宗親姻黨莫不咨嗟涕洟以為德人亡矣遠近是非孰與之辨顛連孰與之恤強梗孰與之厭服其心吾黨將何所倚賴乎殯之日相率聚祭者五百餘人縣大夫泮庠與搢紳諸生與夫黃冠緇流肩摩踵接莫不追送於南門外百里之內三農士庶奔馳執紼而効虞殯之歌者又千餘人嗚呼孟起何修而能使人悲歌思慕於既沒之日若是是宜伐石而書之以告其後之人焉按公諱祖壽孟起其



字也姓金氏其先出漢稅侯弟侍中倫家世相傳遠有端緒曾大父道  
父大父伯高者仲善皆隱德不仕孟起爲人曾次明白不設機弄僮  
好義與其弟孟賓同心克家歲時節朔拜奠其先世立墓極孝敬見飢  
者與之粟寒者與之衣顛連困苦者與錢久則焚其券鄉間有訟紐結  
而不能解者縣大夫則命孟起孟起當稠人聚訟間曰其也直其也枉  
其也許衆莫不怙怙慰服陸梁遇諸塗亦加斂戢而加敬焉縉紳與冠  
蓋之士至其家則倒屣迎之無日不推羊醞酒自遠而至者爲經月留  
宿忘歸而主無厭也邑之寺觀庵宇有廢弛者孟起亦倡而修葺之未  
樂間邑令陳綬守已廉慎因他事負累發山東驛遞孟起遣人賫白金  
往助其困宣德初舉行鈔法監察御史何公文淵至下令通于一邑孟  
起跪而進曰楮幣澁不行自古有之休寧之民商少農衆願出已鈔十  
萬貫以蘇一邑之人公納之衆莫不歌舞其德孟起風神灑落善談論  
貴義輕財皆此類娶程氏生宗道先卒繼呂氏同邑建昌令公大之女

生宗敬孫男六人溫潤岩俊岩相岩英石秀孫女五人孟起生前甲辰  
二月三日終於宣德戊申其卒之月日同其始生之辰享年六十有五  
葬於邑西五里葛川之原予嘗聞其邑之人曰仲善當  
國初歸附時隸王駙馬幕下掾元季徵之民占籍爲兵者千餘家駙馬  
公得其籍欲沒入爲軍仲善委曲勸諫乃將其籍而焚之終身不以告  
人及生孟起名聞 朝著說者謂仲善陰德之報蘇文忠公有云善惡  
之報至其子孫而後定豈不信然嗚呼孟起沒矣邑士吳君以聲爲著  
其狀翰林侍講學士曾公鶴齡爲銘諸幽正統庚申秋予寓錢塘日又  
得其遺事於其鄉之父老其子宗敬復拜泣求予文表諸墓春秋之義  
發幽闡微予故竊取其義列其生平行事之實於石揭之墓道且以慰  
其鄉黨宗族之思云

徵士程公杜壽墓誌銘

王文端公

公諱杜壽字子齡姓程氏世爲徽之休寧巨族其先世詳見宋學士所



書公叔祖安定忠愍侯國勝之碑公高祖榮秀仕元爲奉直大夫江浙等處儒學提舉妣劉氏封彭城縣君曾祖文貴宣義郎饒州路德興縣銅冶場提領妣鄭氏祖社至正末用薦爲承奉班都知不赴妣吳氏考吉輔國初耆宿也妣吳氏初耆宿君禱于唐宰相杜黃裳之廟而生公故因以名公生秀穎異常耆宿君鍾愛之遣從鄉先生游博習經史下及醫卜地理法律之學又從故詹中書希原學書洪武中有司薦上京師公懇以疾辭歸專以研讀爲事每曰古無不研之儒亦無不學之農縣大夫將聘爲塾師而民與縣大夫交惡者上言及公

詔俱逮至京調徙臨濠又北戍沁州轉徙衛輝所至登臨懷古畧不以夷險介意識者壯之未幾南戍桂林未行改藩陽中屯時河北亂後蕩無居人衛使率所部闢草萊初官府畫屯戍而主者武人一籍公贊之公考驗地誌酬答公移上下遠邇犁然有緒中屯寓治河間自求樂宣德以來歷姜濤許况廖謨三守皆賢而慎許可每獨造公竟日所語皆

先賢格言故事未嘗及私也公既植家河間而親闈祖域遠在江南歲時南望再拜揮涕已而父母相繼卒公匍匐走數千里奉養事掣其幼弟原泰與俱北教養之原泰遂以布衣從尚書黃公下交趾授縣官公見諸孫信有遠大器資遣爲學生躬督厲之曰先世多名德而中厄于吾所望以復振者在汝汝可不自力乎信果舉進士通朝籍公晚歲益端居自適方見曾孫受祿養而長子歿公哭之哀遂以正統丙寅六月五日病卒享年七十有五時信方以父憂家居舍遂贈歛悉依治命如禮配汪氏同邑名族女有賢行子男二長晟次昱俱先公卒孫男五長信今吏科給事中次伯次倫次儉次偉孫女五長適儒學生白瓚次適儒學生王哲餘在室曾孫男一曰敏政予聞之廖太守云公平居敦孝友教子弟嚴而有法與人必以善道不媿媿手所筆錄動成卷帙細書楷畫雖老猶謹殆類乎古之篤行者其言蓋不誣也信將奉公葬河間城東金沙嶺之原以廖所爲狀請予銘銘曰



有歛程宗世德允隆猗嗟徵士孰闕其逢不耀自躬有孫奮庸我作銘  
詩式昭其終

朱處士復得墓碣銘

楊刑書

永樂九年辛卯夏五月六日歛處士朱希生以疾卒于金陵寓所弟希  
同奉柩歸以是年十二月二日葬虎兒坵之原今四十有二年矣其孤  
惠奉書拜郡人吳以聲所述事狀遣其子長宗走京師請予書畧曰先  
人墓未有銘恐遂沈泯敢請刻辭用光泉壤而名永長存予先尚書教  
授徽庠時與希生文字友惠又予所知者今遣子數千里來予雖蕪陋  
銘惡可辭邪按狀處士諱復得希生字也上世居休寧之月潭後徙歙  
南之杏城因家焉曾大父景太父元凱父真佑俱隱德弗仕母洪氏  
處士穎敏明達博涉羣書有大志尤篤於孝友年十四遭父喪時伯兄  
希潛先卒仲兄希仁客閩中而希同尚在髫鬣獨處士以幼年當大事  
衾衾棺槨盡禮衰麻哭踊中度雖老成人不之過也以未有葬所日徒

跣從術人董得章者求之卒得吉地沙坵之陽葬焉復作堂墓南以時  
省祭其間又明年仲兄死閩中處士時年十六匍匐數千里歸其喪人  
以爲難母孺人在堂奉養無不至務得其懽心事二嫂恭謹未嘗少違  
其志母歿喪葬一循禮制因作二嫂壽藏母側後二嫂皆守節以終亦  
處士事之以道也撫希同底成立友愛純至處鄉里盡因意濟人之急  
恤人之患爲之惟恐後里有程仲芳程勝三者舉家疫人莫敢近處士  
獨日至其家藥之飲食之二家賴以全活他事多類此嘗慮宗族日就  
踈遠子孫易忽忘乃更考定家譜支分派別有條不紊先尚書爲之序  
後處士以子姓日滋改作所居雖朴不爲華而規摹宏廣居旁構一小  
亭俯瞰溪流樹之花竹日與高人文士吟觴其間名曰止足取諸知足  
知止意也處士爲人慷慨好義輕財利尤樂交文儒談古道人有善稱  
之不絕口有不善雖貴要直言不避蓋磊磊落落士也生於洪武甲寅  
十一月十四日享年三十八配同邑張氏有賢德子男五長即惠讀書



操行有士君子風次懋良貴皆克家女二人長適方公海次適汪孟  
洪孫男十三人長宗慎宗裕宗儼宗敏宗和宗富宗開宗高宗留宗玄  
護道宗偉宗惟處士年不配德而子蕃昌足以見積善之報為之銘曰  
錫爾賢宜永爾年嗚呼處士而胡不然積善在躬餘慶自天視此後人  
瓜瓞綿綿

簡直汪先生文亮墓表

胡廷慎

婺源汪簡直先生既卒且葬餘八十年于今其曾孫福建按察副使進  
懼其潛德久而就湮也躬具事狀徵予文以不墓予曩與副使聯官山  
西嘗預聞副使詢得治民言國初廷遣茂才官汪某者以給資獻  
獄泣焉有聲焯未泯蓋識其為曾祖覆詰弗已屬予修山西通志將撫  
列宦蹟副使尋遭難去罔獲履歷顛末未果載今徵狀不誣他行業充  
夥是宜汲汲圖暴諸而以屬予其容以不斐辭按狀先生諱文亮字用  
晦一字士晦姓汪氏初號困學以自勵晚更號簡直志平生也人因稱

簡直先生其先系出唐越國公諱華十三傳至兵馬使諱道安鎮  
兵馬子諱諱擊使諱濟分戍婺之三吳鎮皆有保障捍禦功團練子  
諱中元卜居鎮之上流鱗溪大畝自是世為婺源人又七世宋行省左  
司郎中諱廷植其配李郎中生竹友諱琮其配俞竹友生見山諱德慶  
其配江是為先生曾大父母大父母父母也始見山翁祈嗣於下田源  
夜夢神人指益盛水族具鱗甲者三顧謂曰斯若嗣也後果生三子伯  
曰士傑仲則先生季曰士展並有學行先生尤穎出元季兵擾舉族避  
地浙西先生甫髫髻歷艱險所至之處皆識之不忘國朝始寧復故  
里見山以仲兄海樵諱仲恭之嗣以先生後之其於二天事之舉無違  
禮海樵歿其配俞挈其貲裝勝從依居外氏先生數迎養弗允虞外氏  
必因利厥有也書籍數讓與之力請俞歸養愛敬兼至終其身不衰先  
生善幹蠱故居撤以一新拓生業倍從舊遺遂以貲雄于鄉豪猾倡賦  
闔縣無科山動以數十萬緡計先生集眾議不便亟論諸官得已故斂



市民構營舍材多腐縣官欲令鄉民代易之亦力勸止焉洪武歲丙子有司以茂才舉先生應詔朝廷試中官之未授秩銜是年

命監造旗手衛工役明年命錄應天府獄宥抑多所平反老穉株連

者悉具以聞會大赦獲免凡數百人既又命往山西賚將卒一視所

立邊功爲差錄所部獄如在應天不寬一人比其民稱之至今有以哉

尋命四川清麓課征蠲惟當還朝俄自引年遂得謝永樂改元乙酉

有司復舉先生應徵賢之詔詰朝屢與一二大臣論時政皆合大

臣有薦先生爲同列先生力辭復請老歸時鄉有虎害先生爲禱于神

以息凡遇旱潦疫疹無不禱禱則應平居樂施與藥病槁死食饑衣寒

無少靳貸者未嘗取息負則不責其償尤嚴回正之辨汲引善類殊倦

倦焉里人有爭求析片言各帖服去每疾甚輿家環祖墓風水因悉究

朱蔡諸家言相得吉壤葬其大父母及考妣凡三墓復中元及高祖七

萬二祖墓若地之見侵於人者慮贖族入各封樹其先坐惟謹有無

藉子夙街先生乘轡及嶺東縣令陳其子海濱力辭之事幾白先生以

疾不起永樂辛卯正月二日也距所生元至正甲申閏二月一日享年

六十有八初娶于江生二子潼澧繼娶于胡生四子海濡止秦側室潘

生一子瀨女一適江祐年孫男二十一人曰棗者封刑部山西司主事

曾孫六十人曰進者自副使也玄孫一百十五人曰儼者德興教諭曰

璽者武昌知縣曰嵩者睢州同知葬以宣德辛亥十二月二日墓在武

口鎮背兵馬使兆次先生所預營也嗟夫有陰德者後必昌先生筮仕

未顯其所託休于民乃克紹先世垂裕後昆且乘復始之機汪氏將來

盛大其可量也邪故爲最先生凡行文諸石以詔其後人俾知所自云

處士蘇公丑行狀

蘇景元

公諱丑字叔武先世居開封宋叅知政事易簡之後易簡長子壽知歙

州遂居休寧十二世生聖公之曾祖也聖生恪恪生泰公之考也皆有

懿德母孺人吳氏以元至正辛丑六月二十九日生公因以歲名焉公



生六閱月而孺人卒泰贅于陳村陳伯仁氏伯仁者邑老儒自新先生之兄也未幾泰亦卒陳孺人辛勤撫育一如己子公端重謹審自小如成人自新先生因收教之長益克自樹立因經喪亂有亢宗之志乃自陳村還居邑中依其從叔伯遠翁翁器愛之教以貨殖家日豐裕再遷北街藕池之西作大第鼎新而居識者稱嘆不意煢煢者中興若此公事陳孺人至孝如實生已痛二親早逝不逮養凡有作爲必謹必慎恐貽父母之辱自新先生嘉之爲扁其堂曰務本名公多爲賦詠公以族大而蕃譜久未續乃重修之時從父守正爲兩浙都轉運副使公奉以求正且請曰此終爲一家私書願得都司印記庶可傳遠運副公然之印而序之以歸性愛古法書名畫不惜百金購之曰此亦足養心性非他玩好可比與人交率以誠慤人有善極口稱之有不善委曲開導貧不能存者假之財穀不計其能償與不見族子姪必獎勉誘掖俾進于至待僮僕未嘗疾聲厲色有慶弔必躬往不使兒輩鄉黨有急難盡力

扶持有紛爭必爲解釋晚歲氣益壯髮不白八十有四卒以正統甲子正月二日初配陳氏先公四十二年卒繼配東門汪氏先公六年卒子六人男二長瑜庶出次瑞汪出先公五年卒女四長贅朱章其三嫁汪武祥汪愷陳英仁孫男八昭旭暉昌明昉曉晉以卒之明年十二月七日葬里仁東鄉別村先塋之次又明年其孫昭昌及公之甥汪英以大爲公族姪請述其平生爲狀將以乞銘于當世大人先生噫人生兩間有道德于躬足以顯揚有功烈于時足以惠利載之史冊傳諸不朽宜也然考之古史人有一行一善在所不遺豈非亦有繫于懲勸哉公以孤童子起家而能孝親睦族勤生務本周貧自爭慕善謹禮斯數者於今之士大夫亦或歎焉而公有之是可書也已立言君子尚表章之

順天府照磨汪君有祥墓誌銘

張文僖公

汪君有祥以順天府照磨疾卒于京其子璉琛侍官所得以躬湯藥含斂將扶柩歸葬衰經奉兵部郎中吳君末清狀泣拜請銘墓石君數從



予往來有斯文好銘可辭乎君諱有祥字永華越國公之裔世居徽之  
休寧父士輝母夏氏自父而上比世皆隱德弗仕然能承守禮法爲望  
于鄉君幼穎敏早喪母事父與繼母黃克盡孝道友悌于兄武祥甫十  
歲讀書即通大義未冠屹如成人御史何公巡部見而竒之欲補邑庠  
生其父難之乃止君曰學豈爲利祿哉貴在知義而適道耳學愈自力  
嘗遨遊江湖所主輒與賢士大夫交聞言必服膺之觀善行則思欲  
與齊故其材器日就歸結書屋于東崖之傍將卒所業適有  
詔俾郡邑舉才德兼備之士知縣石首周君亟薦之君固辭不得則來  
京而鎮遠侯顧公得以乞君子朝而教家塾君於訓誨有方師道尊  
嚴與公論議主賓意相洽公受命總神機營兵擇人贊畫戎務曰宜  
莫如吾家塾師也即以名聞君於是得官照磨從贊公事君効其勤  
能而又守之以廉日從營中回輒閉戶靜坐取經史以觀或吟詩或揮  
毫爲草書情自適也衆方期其顯用而遽沒世莫不致深惜焉春秋四

十有五君疾革時呼二子告之曰吾不水仕其後而從仕者將在親逮  
祿養之爲榮也今祿方得親幸康寧而吾氣息奄奄若此分不起矣爲  
謝吾親不得終盡于職天也奈何泣數行下遂瞑目而逝實正統乙丑  
六月二十有二日配葉氏有婦道子男二即璉琛也女二孫男一君氣  
清體癯而自腴于文藝秩雖未崇而歆焉弗勝者使假之年則其所至  
抑何止於斯哉是宜致所深惜於人也邪爲之銘曰  
車也可以任重何始軛而即止舟也可以利涉何始楫而遽已天實爲  
之物胡能與吁嗟乎君兮尚德音之求著

百歲程君實墓表

家乘

貴三公富萬石文章功業名一時者人皆可致之惟壽則有不可強焉  
者况壽而至于百有餘歲者哉非上有建極錫福之君而斯人之得于  
天者獨厚且完烏足致此若吾宗以道君之壽豈直一家之盛哉固海  
內之所鮮也君與予同出梁將軍程忠壯公之後所居泂川其族以宋



端明殿學士洛水先生益顯曾祖煥祖連父安皆力善不仕安娶于吳生君諱實字以道一諱詩其為人淳樸涉獵書史少客江湖間嘗以木易粟至姑蘇貧人值歲侵悉棄不取而歸歸更事畝畝不復出力勤孔時所入恒倍家居率晨起呼子弟督佃傭各職其職無侈以肆夜即課諸孫鳴琴讀書抵夜分乃寢客至張燕雄談雖老不倦既老取貲產立券不與子而與孫曰如此庶幾可均也君處已待人若易直然皆不失矩度一門百口馴馴怡怡號詩禮者或不能及君狀貌頎然兩目如漆耳幾垂肩中有毫長二寸許齒髮變矣而白者黑脫者生年九十五歲以恩例授冠帶每鄉飲必禮爲大賓君多辭不至年百有一歲乃終終時盛服呼諸孫語之曰我將與汝等求訣言訖而蛻君生無疾疾未嘗延醫請禱步履如飛終其身不杖殆異人也君生洪武乙亥閏九月十七日終於弘治乙卯三月十九日前後三娶初姚次黃次吳舉和順不盤族黨稱之子男三人德龍德思德良皆先君卒女三人皆有歸孫

男九人孫女三人曾孫男九人曾孫女六人玄孫男一人予又聞君壯歲在吳下遇雨渡而溺自念非除衣鞬無以獲生卽伏水中褫衣去鞬一躍而起江行遇盜衆潛伏莫敢動君曰如此示弱舉將不免矣奮出直前搏之盜披靡散去然則君所稟之厚且完而加以伉健若此宜其壽之過人也因并書之貽其孫俾刻諸墓上之石嗚呼我列聖休養涵煦之澤被海內久矣而有人瑞焉乃出于新安之程氏得不謹著之以昭其盛于無窮也哉

處士李君有政墓表

錢文通公

處士諱有政字士忠姓李氏其先唐宗室曰德鴻者德宗七世孫也居鄱之睦親院唐李潯地新安居祁門夫溪之新田至昭三者又徙溪東五里許鄉人以其族鉅號李源昭三生全於處士爲高祖曾祖武祖昌伯父宗厚承樂初爲刑部主事父宗榮處士生卽秀偉不爲喜問學以婺源朱子闕里多名師儒得游彥祥先生者授業焉彥祥語人曰此子



雖幼言行正大他日必有過人者處士學成不樂仕歸蒞家務以身先  
之正色法言內外斬斬且立規約俾男女各職其職率有賞悖有罰未  
幾產拓戶殷甲于一鄉然足跡不一至城市宣德末豐城孫曰讓主教  
祁門其第大吏曰恭以事過縣聞處士名力致之來與語連日夜恨相  
見之晚曰孔子謂施於有政是亦為政子真可謂顧名思義者矣處士  
性至孝宗榮君及生母方氏前後下世喪祭一以禮祖居險僻而高曾  
祖壠皆在梓木山乃下地山麓構新第借其兄士智弟士成居焉父之  
死不自安處士泣相諭且作券貽子孫共之無異議族黨間有不相能  
而譁者聞處士聲歎即止訟爭累年不決得處士一言無不退聽曰官  
府不及也景泰中歲侵有勸分之令處士曰噫朝廷以義倡民出粟賑  
饑而因之徼冠帶之榮是利之也何名為義哉於是大發廩助官而辭  
冠帶不受太守福山孫公其重之里有虎石嶺林深谷幽多猛虎時出  
傷人處士募人捕之幾盡又懸人于絕崖鑿其巖為砥道行者無恐處

士尤有識處士內姪葉琦方童稚即異之曰此子不凡助其學而助之  
成琦十八中南畿林試第一人舉天順甲申進士休寧孫順早孤而尼  
處士偶見之曰此福胚也不在其身必在其子贅于家順果有立而其  
子怡舉成化辛丑進士為刑部主事皆如其言縣令每舉鄉飲必禮為  
大賓晚自號務本鄉人皆以務大翁稱之年七十有七以成化七年辛  
卯十月丁亥卒其生漆系二十八年正月庚申娶葉有賢行琦之姑也  
子一曰璨女一順之妻公之母也孫三曰濟汛溥處士墓在里長洲花  
郭園葬十年矣予觀漢書有鄉舉里選之法而唐宋以來亦置科以求  
懷抱材德之士非若近世之專務詞章法律而已考李處士之平生持  
家孝友居鄉信厚與夫識慮之明達設施之經遠使之稍見于世治一  
官効一事雖古所謂一鄉之善士豈多讓哉予故因怡之請為表其墓  
以為其鄉之勸

岐隱孫處士春殿傳

家乘



處士諱春殷字士和姓徐氏世居休寧雷溪蓋唐金吾上將軍萬登之裔也曾祖良祖興父忠原皆以行義重其鄉忠原尤雋爽負材藝汭川程伯奇氏愛賢之館于貳室因家焉汭川之程則宋端明殿學士珙之族也處士為忠原第二子忠原既定居汭川餘子似續多寡弱獨處士有子八人有孫十有九人頎然壯齡角立參登課耕貿易爭先元宗而汭川之孫遂大以蕃忠原不偶于仕構一軒以泉石自名業未就緒也處士竭心力作大第收腴田以奉親處兄弟燕賓友列庾貯粟闔塾訓子百用所需咸備無闕汭川之人咸嘖嘖嘆異曰克家之子如士和者非邪處士以其先在宋元有霽容及艮山爽山芝田諸先生皆碩儒注意子弟俾嗣其業而第春陽士輝質美嗜學一不以家務攸之士輝果以文學名一時蓋處士之所立如此處士初甚馴謹持已他不自為表襮遇客謙巽而內淵怒如閨閣處于既壯稍出其長以自見里有為之解紛或弗率則論之道義皆服無遺言雖大殖有家而憂人之

扶孱拯困恒患不及又類古之賢豪者里東有岐山極幽勝處士晚築室山下號岐隱日坐其中讀易自適而以家事付諸子則又若幽人逸士與世相忘者處士以求樂丁亥二月八日生壽七十八而終八子者存仁存禮存智存信存英存心存讓存澤皆遵遺訓共譽不私蓄婚喪之費公衆給之男婦百口庭無間言

史官曰棠樾鮑先生言古之人有借隱以為高有終隱以為潔若孫處士其知所隱而隱者邪昔者成周之盛鳳鳴于西岐今

聖人在上至治邁古安知無鳳鳴于南岐邪吾見處士之子若孫必有交被五采出而大鳴于清軒者豈終隱而已邪鮑先生不妄人也其言固有徵於異日哉

清隱汪處士墓誌銘

魏文靖公


新安清隱汪處士既卒後十六年實成化丙戌歲其子護等持其親程昇所為狀來予門泣且拜求銘以著墳中義不得辭因誌之處士諱寧



字以清號清隱故新安舊族系出唐越國公華越國有功於唐士人祠之其中葉頌以儒振世有聞人多顯仕者至宋竹山尹諱體仁七傳而至諱冲衡者嚴毅有才幹別號靜一鄉儒鮑謚齋爲作記稱其能樂天命處士之父也有諱順德者處士之大父也諱彥暉者自邑西門移家紫雲溪居焉讀書明理學若風林朱學士趙東山先生皆與之往來風林題其齋曰養晦處士之曾大父也母吳氏生處士自幼穎敏異衆屹如成人既長益聰斷董村門戶賦斂得宜勤先一邑綜理家務克盡其道比壯遊江湖薦紳多見器許家益饒裕勤儉如一既而告其父以所居讓伯父別初室以居後用父命復以新居讓諸父再營室以處親在堂則備甘旨竭誠敬親有疾則不寢櫛躬湯藥親歿則極哀毀厚殯殮親遠則歲時潔染盛豐祀事鄉閭式之里中有忿爭者必以禮喻豪橫斂容怨者冰釋復能出其贏餘以週困乏母歿事繼母劉益恭謹又嘗集先世遺翰以貽子孫名傳芳錄鄉儒蘇大爲之序書成而處士不祿

矣時景泰庚午九月十七日也處士生洪武己卯正月二十六日享年五十有二配謝氏子男四長即護次仁存端女四長適程慶祥次適程彥說次適吳泰初季適程惟本孫男九護子三曰長宗巖宗賜宗仁子三曰德宗厚宗實宗存子二曰衍宗勝宗端子一曰亢宗孫女八以又明年戊子十二月丙申厝岐山之陽遵治命也嗚呼人孰無死死而無聞者多矣處士仁聞一鄉富甲井里爲善之力而子孫蕃衍且賢可謂無忝先儒之胤者又能推讓其居以篤天倫孝友之愛使後人視効克念天顯之美又豈不由處士儀法始邪因爲之銘銘曰  
惟先世之德臧俾尔子孫之昌矧躬行之德良宜尔名聞之彰生而有益儀法於鄉歿而吾寧允矣揚其芳勒銘堅璞百世幽光







聖